

登

科

記

考

登科記考卷十

大興徐松

唐肅宗文明武德大聖大宣孝皇帝

至德二載丁酉

正月上皇下詔曰天下有至孝友悌行著鄉閭堪旌表者郡縣長

官采聽聞奏

舊書本紀

四月八日制曰勅朕聞惟理亂在庶官以先王旁求俊彥思皇多士以倡九牧阜成兆人頃者姦臣執權專利冒寵惟正直是醜惟邪佞是比壅塞賢路罔蔽天聰使忠臣不得盡其謀才士不得展其用廢三載之黜陟寢九德之推擇多有老於郎署滯於邱園吏

稱無人不給位朕以薄質嗣守大寶寇戎未殄王業惟艱兢兢
乾乾日慎一日緬維堯舜求賢之意周公吐握之義思欲廣進髦
乂輔寧邦家實賴公卿大夫宏我視聽易曰方以類聚語曰舉爾
所知凡宰相王臣宜加搜擇其常參官及郡縣長吏上佐等皆從
歷試而踐通榮如各知其密行異能博學深識才堪濟代術可利
人名不彰聞位不充量溷淪屠釣流落風波者一善可錄便宜公
舉遠則裁表附驛近則進狀奏聞勿避親讐無限儕伍其有獨負
奇才未逢知己卽仰投魘并所在陳狀自論長官登時與奏夫惟
薦士非止一舉永爲恆典有卽登聞昔荀桓子立翟之功士伯受

瓜衍之邑柳下惠賢而不舉臧文仲被竊位之名春秋書之千載
不朽凡百在位可不勉歟宜宣示中外令知朕意

文苑英華

唐大詔令集

至

九月癸卯廣平王收西京

舊書本紀

十月壬戌廣平王入東京癸亥上自鳳翔還京

舊書本紀

十二月丙午上皇至自蜀戊午上御丹鳳門大赦制曰百姓中孝

弟力田不求聞達者委採訪使問奏其文經邦國學究天人博於

經史工於詞賦善於著述精於法理軍謀制勝武藝絕倫並任於

所在自舉委郡守銓擇奏聞不限人數

舊書本紀

冊府元龜

唐大詔令集

進士二十二入江淮六人成都府十六人江東七人

冊府元龜云至德元年以

後依前

嚴維

唐才子傳嚴維字正文越州人至德二年江淮選補使侍郎崔煥下以詞藻宏麗進士及第

鄉貢

顧况

唐才子傳顧况字通翁蘇州人至德二年天子幸蜀江東侍郎李希言下進士

戴孚

顧況戴氏廣異記序譙郡

戴君孚幽蹟最深至德初况始與同登一科君自校書終饒州錄事參軍

王察

舊書王徽傳祖察至德二年登進士第

知貢舉 禮部員外郎薛邕

摭言至德二年駕臨岐山右補闕兼禮部員外邕下二十一人按二十一

人即登科記二十二人之異文是二十二入鳳翔所放也

門下侍郎崔渙

舊書本紀京師陷賊車駕倉皇出幸

七月庚午次巴西郡太守崔渙奉迎即日以渙爲門下侍郎同中書門下平章事八月上皇遣韋見素房琯崔渙等奉冊書赴靈武

十一月詔宰相崔渙巡撫江南補授官吏故於江淮知舉也

禮部侍郎裴士淹

見唐語林疑此元宗在蜀

知舉 禮部侍郎李希言

見上蓋江東知舉舊書李紆傳紆禮部侍郎李希言之子是希言爲禮部侍郎也

三載戊戌

二月丁未改至德三載爲乾元元年舊書本紀

今後醫卜入仕者同明法例處分舊書本紀

四月甲寅郊祀事畢翌日御丹鳳門大赦天下詔曰草澤及卑位之間有不求聞達未經推薦者有一藝已上恐遺俊又令兵部吏部作徵召條目奏聞國子監學生明經明法帖策口試各十並通四已上進士通三與及第鄉貢明經準常式州縣學生放歸營農待賊平之後任從常式舊書本紀冊府元龜唐大詔令集

十月甲辰帝御宣政殿冊成王爲皇太子大赦天下詔曰爲政之

要求賢是急比令中外薦舉多非實才所以詢事考言登科蓋寡
猶慮巖穴之內尙有沈淪宜令所在州縣更加搜擇其懷才抱器
隱遁邱園並以禮徵送如或不赴具以名聞凡與前詔科目相當
一切委內外文武五品已上官有所知者不限人數任各薦聞如
自舉者亦聽於所在投狀有堪任用不限常資冊府元龜 唐大
詔令集 玉堂閒
話唐肅宗之代急於賢良下詔搜山林草澤有懷才抱德及匡時
霸國者皆可爵而任之有徵君自靈武衣草衣躡芒屨詣於國門
肅宗聞之喜曰果有賢才應募矣遂召對訪時事得失卒無一辭
但再三瞻望聖顏而奏曰微臣有所見陛下知之乎帝曰不知奏
曰臣見陛下聖顏瘦於在遠武時帝曰嘗所勞以至於此臣
有匿笑不禁者及退更無他言帝知其妄人也恐閉將來賢路他
俛除授

一邑宰

進士二十三人

蘇端

杜甫集兩過蘇端錢箋以爲至德二載作引下圖曰端時白衣唐科名記端明春始

及第則及第

柳伉

困學記聞引登科記伉乾元元年當在是年按卽疏請斬程元振者

知貢舉

禮部侍郎裴士淹

見居唐語林

乾元二年

己亥

四月

冊府元龜作三月誤

詔京文武五品已上正員清資官各舉賢良方正

直言極諫一人任自封進

舊書本紀冊府元龜

五月丁亥上御宣政殿試文經邦國等四科舉人

舊書本紀

進士二十五人

玉芝堂談薈作十七人

應制及第

姚南仲

舊書本傳華州下邳人乾元初登制科高等按制科當卽文經邦國等四科也

上書拜官一人

沈浩

冊府元龜沈浩隱居四明山肅宗乾元二年進廣孝經十卷授祕書郎集賢殿待詔

仍賜緣

袍牙笏

知貢舉

禮部侍郎李揆

宣室志唐丞相李揆乾元初爲中書舍人嘗一日退朝歸見一白狐在庭中擣

練石上命侍童逐之已亡見矣時有客於揆門者因語其事客曰此祥符也某敢賀至明日果遷禮部侍郎舊書李揆傳拜中書舍人兼禮部侍郎揆嘗以主司取士多不考實徒峻其隄防索其書策殊未知藝不至者居文史之間亦不能摘其詞藻深昧求賢之意也及其試進士文章日於庭中設五經諸史及切韻本於牀而引貢士謂之日大國選士但務得才經籍在此請恣尋檢由是數日之間美聲上聞未及畢事遷中書侍郎同平章事按本紀三月乙未以禮部侍郎李揆爲中書侍郎

三年庚子

閏四月乙卯以星文變異上御丹鳳門大赦天下改乾元爲上元

詔曰王者稽古設教擇賢以理廣徵巖穴用副薪樞宜令中外五
品已上文武正從員官各舉賢良方正直言極諫各一人武藝文
才俱堪濟理者亦任狀舉其或文乏詞策武非騎射但權謀可以
集事材力可以臨戎方圓可收亦任通舉並限制到一月內奏畢

舊書本紀 冊府元
龜 唐大詔令集

進士二十六人

魏萬

魏顥李翰林集序云顥始名萬次名炎萬

見之謂余爾後必大著名於天下無忘老夫與明月奴因盡出其
文命顥爲集顥今登第豈符言耶解攜明年四海大盜按四海大
盜當謂祿山則登第在天寶十三年而唐詩
紀事云萬上元初登第當必有據今從之

才兼文武科

王翺

舊書本傳太原晉陽人新書翺字宏肱翺少
治兵家天寶中授翺衛尉羽林軍宿衛擢才

兼文武科 按是年有制舉武藝文才俱堪濟理則才兼文武科當在是年

知貢舉

中書舍人姚子彥

見唐語林

上元二年

辛丑

九月壬寅去上元號稱元年以十一月爲歲首月以斗所建辰爲

名

新書本紀

進士二十九人

文苑英華有迎春東郊詩當是此年試題

張濯

唐詩紀事濯上元進士第

王綽

文苑英華

知貢舉

中書舍人姚子彥

見唐語林

張濯迎春東郊詩曰顓頊時初謝句芒令復陳飛灰將應節賓曰

已知春考歷明三統迎祥受萬人衣冠宵執玉壇墀曉清塵肅穆
來東道回壇拱北辰仗前花待發旂處柳凝新雲斂黃山際水開
素澆濱聖朝多慶賞希爲薦沈淪

文苑
英華

王綽迎春東郊詩曰玉管潛移律東郊始報春盤輿寶運天仗
出佳辰睿澤光時輦恩輝及物新虬螭動旌旆烟景入城闔御柳
初含色龍池漸啟津誰憐在陰者得與蟄蟲伸

文苑
英華

寶應元年

壬寅

建卯月辛亥南郊大赦天下詔曰文武不墜道宏於人務在搜揚
俾其展效其諸道入中有詞學高深兼通政理軍謀制勝明習韜

鈐者委所在刺史揀擇奏聞舉薦京官四品已上正員文武官任
各舉一人

冊府元龜
唐大詔令集

建巳月甲寅上皇崩甲子制改元復以建寅爲正月月數皆如其
舊丁卯上崩已巳代宗卽位

通鑑

五月丁酉大赦天下制曰其有明於政理博綜典墳文可經邦謀
能制勝及孝弟力田諸州刺史並宜搜揚間薦投匭者不須勸以

停處姓名務招直言以副朕意

冊府元龜
唐大詔令集

七月詔曰推薦之道必務於至公賞罰之間亦資於不濫其諸色
舉人等須有處分令薦所知實佇才能用施政理自宜慎擇以副

虛懷古者效官三歲考績善惡既著褒貶斯存舉之得人必受旌能之賞舉之失選亦加懲過之罰賞罰之典期於必行凡百具僚

宜知朕意

唐大詔
令集

停貢舉

唐代宗睿文孝武皇帝

寶應二年

癸卯

五月丙寅尚書省試應制舉人命左右丞侍郎對試賜舉人食如

舊儀

舊書本紀
冊府元龜

六月二十日禮部侍郎楊綰

按楊綰時爲太常少卿言禮部侍郎傳誤

上疏條奏貢舉

之弊曰國之選士必藉賢良蓋取孝友純備言行敦實居常育德
動不違仁體忠信之資履謙恭之操藏器則未嘗自伐虛心而所
應必誠夫如是故能率己從政化人鎮俗者也自叔葉澆詐茲道
浸微爭尚文辭互相矜衒馬卿浮薄竟不周於任用趙壹虛誕終
取擯於鄉閭自時厥後其道彌盛不思實行皆徇空名敗俗傷教
備載前史古人比文章於鄭衛蓋有由也近煬帝始置進士之科
當時猶試策而已至高朝劉思立爲考功員外郎又奏進士加雜
文明經加帖經從此積弊寢轉成俗幼能就學皆誦當代之詩長
而傳文不越諸家之集遞相黨與用致虛聲六經則未嘗開卷三

史則皆同挂壁况復徵以孔門之道責其君子之儒者哉祖習既
深奔競爲務矜藝者曾無愧色勇進者但欲凌人以毀謗爲常談
以向背爲己任投刺干謁驅馳於要津露才揚己喧騰於當代古
之賢良方正豈有如此者乎朝之公卿以此待士家之長老以此
垂訓欲其返淳樸懷禮讓守忠信識廉隅何可得也譬之於水其
流已濁若不澄本何當復清方今聖德御天再寧寰宇四海之內
喁喁向化皆延頸舉踵思聖朝之理也不以此時而理之則太平
之政又乖矣凡國之大柄莫先擇士自古哲后皆側席待賢今之
取人令投牒自應非經國之體也望請依古制縣令察孝廉審知

在鄉間有孝悌及信義廉恥之行加以經業才堪策試者以孝廉爲名薦之於州刺史當以禮待之試其所通之學其通者送名於省自縣至省不得令舉人輒自陳牒比來有到狀保辯識牒等一切並停其所習經取左傳公羊穀梁禮記周禮儀禮尚書毛詩周易任通一經務取深達與旨通諸家之義試日差諸司官有儒學者對問每問經義十條問舉對策三道其策皆問古今理體及當時要務取堪行用者其經義并策全通爲上第望付吏部便與官其經義通八策通二爲中第與出身下第者罷歸其明經比試帖經殊非古義皆誦帖括冀圖僥倖并近有道舉亦非理國之體望

請與明經進士並停其國子監舉人亦請準此如有行業不著所
由妄相推薦請量加貶黜所冀數年之間人倫一變既歸實學當
識大猷居家者必修德業從政者皆知廉恥澆競自止敦龐自勸
教人之本實在茲焉事若施行卽別立條例詔左右丞諸司侍郎
御史大夫中丞給舍同議奏聞給事中李廌給事中李恂筠尙書
左丞賈至京兆尹兼御史大夫嚴武所奏議狀與紹同尙書左丞
至議曰禮部奏每歲貢人依鄉舉里選勅令議者謹按夏之政尙
忠殷之政尙敬周之政尙文然則文與忠敬皆統人之行也且諡
號述行美極於文文興則忠敬存焉是故前代以文取士本文行

也由詞以觀行則及詞也宣父稱顏子不遷怒不貳過謂之好學
至乎修春秋則游夏之徒不能措一辭不亦明乎間者禮部取人
有乖斯義易曰觀乎人文以化成天下關雎之義曰先王以是經
夫婦成孝敬厚人倫美教化移風俗蓋王政之所由廢興也故延
陵聽詩知諸侯之存亡今試學者以帖字爲精通而不窮旨義豈
能知遷怒貳過之道乎考文者以聲病爲是非而唯擇浮豔豈能
知移風易俗化天下之事乎是以上失其源而下襲其流乘流波
蕩不知所止先王之道莫能行也夫先王之道消則小人之道長
小人之道長則亂臣賊子由是生焉臣弑其君子弑其父非一朝

一夕之故其所由來者漸矣漸者何謂忠信之陵頹恥尙之失所末學之馳騁儒道之不舉四者皆由取士之失也夫一國之士繫一人之本謂之風贊揚其風繫卿大夫也卿大夫何嘗不出於士乎今取士試之小道而不以遠者大者使干祿之徒趨馳末術是誘導之差也夫以螭蚓之餌雜垂滄海而望吞舟之魚至不亦難乎所以食垂餌者皆小魚就科目者皆小藝四人之業士最關於風化近代趨仕靡然同風致使祿山一呼而四海震蕩思明再亂而十年不復向使禮讓之道宏仁義之風著則忠臣孝子比屋可封逆節不得而萌也人心不得而搖也且夏有天下四百載禹之

道喪而殷始興焉殷有天下六百祀湯之法棄而周始興焉周有天下八百年文武之政廢而秦始并焉觀三代之選士任賢皆考實行故能風俗淳一運祚長遠秦坑儒生二代而亡漢興雜三代之政宏四科之舉西京是振經術之學東京終持名節之行至有外戚竊位強臣擅權弱主孤立母后專政而社稷不隕終彼四百豈非學行扇化於鄉里哉自魏至隋僅四百載三光分景九州阻域竊號僭位德義不脩是以子孫速顛享國咸促國家草魏晉梁隋之弊承夏殷周漢之業四隩旣宅九州攸同覆燾亭育合德天地安有捨皇王舉士之道從亂代取人之術此公卿大夫之辱也

楊綰所奏實爲正論然自典午覆敗中原板蕩戎狄亂華衣冠遷徙南北分裂人多僑處聖朝一平區宇尙復因循版圖則張閭井未設士居鄉土百無一二因緣官族所在耕鑿地望繫數百年之外而身皆東西南北之人焉今欲止依古制鄉舉里選猶恐取士之未盡也請兼廣學校以宏訓誘今兩京有太學州縣有小學兵革一動生徒流離儒臣師氏祿廩尙無貢士不稱行實胄子何嘗講習獨禮部每歲擢甲乙之第謂宏獎勸不其謬歟祇足長浮薄之風啓僥倖之路矣其國子博士等望加員數厚其祿秩選通儒碩生間居其職十道大郡量置太學館令博士出外兼領郡官召

置生徒依乎故事保桑梓者鄉里舉焉在流寓者庠序推焉朝而行之夕見其利如此則青青不復興刺擾擾由其歸本矣人倫之始王化之先不是過也謹議議者然之宰臣等奏以舉人舊業以成難於速改其今歲舉人望且許依傳來歲卽依新格勅旨每州每歲察孝廉取在鄉闈有孝弟廉恥之行薦焉委有司以禮待之試其所通之學五經之內精通一經兼能對策達於理體者並量行業授官其明經進士並停道舉亦宜准此禮部卽具條例奏聞

舊唐書楊綰傳

文苑傳

冊府元龜

唐會要

賈至集

按宋

張方平選格論云唐代宗時楊綰以貢舉滋弊建議請廣明經進士之科而復鄉舉里選之法詔下其議在廷之臣多同於綰遂行其制後近臣淺滯者或論其不便上不能持旋以復舊

七月壬子改元廣德大赦天下制曰河北河南有懷才抱器安貞

一作貧守節素在一作養素邱園不仕爲眾所知者委所在長官具名聞

薦諸色人中有孝弟力田經術通博文詞雅麗政理優長本州各

以名薦

冊府元龜
唐大詔令集

二十六日

通鑑作
戊辰

禮部侍郎楊綰奏貢舉條目曰孝廉舉人請各

令精通一經其取左氏傳公羊穀梁禮記周禮儀禮毛詩尙書周

易任通一經每經問義二十條皆須旁通諸義深識微言試格策

三道問古今理體及當今時務取堪行用者仍每日問一道類三

日畢經義及策全通爲上第其上第者望付吏部便與官其問義

每十條通七策通二爲中第與出身下第者罷之論語孝經皆聖人深旨孟子亦儒門之達者其學官望兼習此三者共爲一經其試如上先取在家有孝義廉恥謙恭之行好學不倦精通經義並堪對策者縣令徵於鄉里送名與州刺史與曹官對試以其通者送省既是貢士刺史縣令不得以部人待之加其禮數隨朝集使以十月二十五日到省其鄉飲酒及至上都朝見並謁先師並依舊式又以寇難之故衣冠多去故鄉所居必聞才行斯在望許所在州縣且舉所諳知者秀才舉人準舊格惟試方略策五條望令精通五經每經準孝廉例問義二十條對策五道每日試一道全

通爲上第上第者送名中書門下超與處分問義十條通七策通
四爲中第中第者送禮部與官下者罷之又國子監舉人亦請每
歲本業博士推擇才行送名與祭酒依鄉貢例試通者送省舉人
自縣至州皆不得輒自陳牒比來有到狀保辨讞牒等請並停明
法舉人望付刑部考試孝弟力田但能熟讀一經言音典切卽令
所司舉送試通使與出身其今年舉人或舊業旣成理難速改或
遠州所送身已在途事須收獎不可中廢其今秋舉人中有情願
依舊舉業者亦聽今年之後一依新勅疏入帝以廢進士科問翰
林學士對曰進士行來已久遽廢之恐失人業勅旨進士明經置

來日久今頓令改業恐難其人諸色舉人宜與舊法兼行

冊府元龜唐

會要

是日勅宏文崇文兩館生皆以資蔭補充所習經業務須精熟楷

書字體皆得正樣通者與出身不通者罷之

冊府元龜唐會要

十月吐蕃犯京畿丙子駕幸陝州庚寅

新書作癸巳

郭子儀收京城

舊書

本紀

十二月詔曰理道同歸求賢是急非人不乂辟士是勤招以弓車設其壇席且優過軸如待神明朕臨御多方誕敷至化慮遺巖穴載佇雲津知白珩之非寶降元纁於下懼一白鳴鑿關外駐蹕陝

郊每念明敷深勞寤寐聽正言以蘇國疾思碩德以定人訛而猶
高士鴻冥幽人豹隱將朕之不德而禮或有遺望于鹿之忠告仰
少微以嘆息眇然惕勵願覽山河藿食薇歌往而不返永懷賢者
朕甚思焉今將意達巢居誠通卜兆一麾必起四皓爰來致其素
風成我王道宜令行在側近府州長官搜舉遺逸其有懷才抱器
高蹈不仕精加訪擇必以名薦仍須以禮資遣送赴行在資於邱
園待以邱署務令申勸悉朕意焉

明府
元龜

丁亥車駕發陝郡還京

舊書
本紀

進士二十七人

日中有王字賦以題爲韻次
用見文苑英華是此年試題

洪源狀

古之奇

登科記考

卷十

古

唐才子傳寶
應二年及第

耿緯

唐才子傳作漳書錄解題注云漳登科記一
作緯唐才子傳耿緯河東人寶應二年洪源

榜進士與古之
奇爲莫逆之交

杜黃裳

舊書本傳登進士第宏詞科
集注杜黃裳字遵素京兆杜陵人寶應

二年中進士第

按卓異記載座主見門

高郢

舊書本傳郢字
公楚其先渤海

生知舉有蕭昕杜黃裳是黃裳爲昕門生
諸人九歲通春秋能屬

鄭錫

唐詩紀事錫登
寶應進士第

文父伯祥郢舉進士第
云登科記

喬琛

文苑英華
作喬琛注

作喬琛

諸科登科
記闕

王洪

杜牧寶烈女傳王洪年十一歲能念五經舉童
子及第以大和元年年七十五推之及第在是

年

拔萃科

李邕

韓愈李邕墓誌銘以朝邑員外尉選爲公真卿第
其所試文爲上等五百家注引樊注顏真卿爲吏

荆南節度觀察處置使則李邕拔萃在是年
按邕即李漢之父

敬寬

實應朝擢書判拔萃科

案實應止二年一科蓋與李

邢同年對被替請選判案牛簪王治並對此判

知貢舉

禮部侍郎蕭昕

見唐語林舊書新書本傳云遷中書舍人歷禮部侍郎兼揚府司馬佐軍仍

舊入拜本官

白香山詩集有與諸同年賀座主侍郎新拜太常

同宴李尚書亭子詩注云座主於蕭尚書下及第容齋五筆云考登科記樂天以貞元十六年庚辰中書舍人高郢下第四人登科

郢以寶應二年癸卯禮部侍郎蕭昕下第九人登科迨郢拜太常時幾四十年矣昕自癸卯放進士之後二十四年丁卯又以禮部尚書再知貢舉可謂壽俊

鄭錫日中有王字賦曰至陽之精內含文明成命宥密神化陰騰

倬元聖而緯天爍靈符之在日人文變見元象貞吉煥爾殊容昭

然異質三陽並列契乾體以成三一氣貫中表聖人之得一當是

時也河清海晏時和歲豐車書混合華夷會同皇帝乃率百吏禮

六宗登臺視朔候律占風祀夕月於禮神之館拜朝日於祈年之
宮霽氛霧埽烟虹地涯靜天宇空陰魄既沒大明在東吐象成字
昭文有融法科斗以爲體並跋烏以處中馮相未覩疇人發蒙此
乃聖人合契至化元通不然者何爲曜靈啓瑞明彼於有截垂光
燭地運行而無窮至人以不宰成能日月以無私可久偶聖則呈
祥逢昏則顯咎貞觀契無爲之功休祥應無疆之壽沒於地我則
取誠於明夷登乎天我則呈形於大有其初見也昭昭彰彰流晶
曜芒若神龍負圖兮呈八卦於羲皇其少登也發色騰光乍見乍
藏狀靈龜銜書兮錫九疇於夏王蔽虧若木隱映扶桑曠曠五雲

之表輝煥重輪之旁臨紫宸兮千門洞照出黃道兮八極增光惟
德化成惟王正位兄其日兮姊其月父事天兮母事地罄六合以
爲王統三才而制字道不藏寶神開奧秘王在日兮垂文日在天
兮重斲豈徒色映合璧光連抱珥三舍迴魯陽之戈再中美漢文
之志皇上以爲命不于常惟德是據災逐祥啓福隨禍著知微知
彰一喜一懼因嘉瑞以增德合元符而降祚客有上國觀光金門
獻賦覩日中有字之感成天下至公之務傾心太陽企踵雲路願
回光以暫燭庶千載之一遇

文苑
英華

喬琛日中有王字賦曰至尊者王至明者日處其位兮無二配其

德兮惟一制服以象必圖之而並臨視朝以時方候之而俱出懿夫日實也厥生於東王往也厥居於中其呈祥以下燭必布德而上通然則日中之有王字者豈不以昭宸聰彰國風煥乎黃道赫矣蒼穹表皇綱之不素延聖祚於無窮者哉且天垂三光日當其首人執六藝書列於後此神功之所成彼人力而何有況乎烏爲烏矣無慚蒼頡之能日匪扇焉寧假右軍之手稽圖緯與載籍信可大而可久豈比夫龜麟龍鳳徒在乎宮沼郊藪適足以勞於史臣未可以齊乎不朽夫運行不已者天地之常臨照無私者日月之光美之則配於太昊惡之則比夫夏王是以逆其時則休亦成

咎順其道則否亦爲臧故昔王者莫不觀天文兮順陰陽授人時
兮正紀綱而人用康而邦其昌如此者厥鑒不遠寶歸美乎我皇
信所謂承天之序兮製於休祥者也是知君能則天天必呈瑞明
海內之四目瞻日中之一字士有仰止雲路苦心詞賦戰欲酣兮
日將暮儻魯陽之修戈可借冀和仲之餘暉可駐願傾葵藿之心

希成桃李之樹

文苑
英華

廣德二年

甲辰

五月庚申

會要作二
十四日

罷歲貢孝悌力田童子等科

舊書本紀册
府元龜云五月

罷歲貢孝悌力田及童子科從禮部侍郎楊綰奏也綰以孝悌之
行宜有實狀童子越眾不在常科同之歲貢恐成僥倖之路唐

會要孝弟力田科其每歲宜停童子每歲貢者亦停童子仍限十歲以下者

七月丙午勅曰古者設大學教胄子所以延俊造揚王庭雖年穀不登兵甲或動而俎豆之事未嘗廢焉頃年以來戎車屢駕天下轉輸公私匱竭帶甲之士所務贏糧鼓篋之徒未能仰給繇是諸生輟講絃誦茂聞宣父有言是吾憂也投戈息馬論道尊儒用宏庠序之風俾有簞瓢之樂宜令所司量追集賢學士精加選擇使在館習業仍委度支准給廚米致茲儒術庶有大成甲科高懸好學者中敷求茂異稱朕意焉

冊府元龜
唐大詔令集

進士十三人又十二人

楊栖梧

狀元

蘇渙

唐才子傳蘇渙廣德二年楊栖梧榜進士

本不平者往來剽盜善用白弩巴賈商人苦之稱曰白跖
後自知非折節從學遂成名 按杜集有贈蘇侍御真詩 張叔

良唐詩紀事張叔
良廣德二年第

知貢舉

禮部侍郎蕭昕

按貫全集有授禮部侍郎蕭昕守秘書
監制又有授楊籍禮部侍郎制其楊籍

制云鯨鯢初懸謂是年正月李懷仙斬史朝義首
來獻也蓋昕知舉後遷秘書監籍代爲小宗伯

永泰元年

乙巳

正月癸巳朔大赦天下改廣德三年爲永泰元年制曰孝弟力田
懷才抱器遺逸未經薦達者各委州府聞奏親當策試量能叙用
舊書本紀 冊府元龜 唐大詔令集 按孝
弟力田科前年所停者歲貢也制舉不在此限

始置兩都貢舉禮部侍郎官號皆以知兩都爲名每歲兩地別放

及第冊府元龜時賈至以時艱戢舉人赴省者眾權奏兩都

楊綰知東京選禮部侍郎賈至知東都舉兩都分舉選自至始也

按去年九月即知今年之舉故冊府元龜載於永泰元年今從之

本紀之文奪誤殊甚當作禮部侍郎楊綰知東都舉尚

書右丞賈至知上都舉兩都分舉自此始也選字衍文

進士二十七人按自兩都分置貢舉惟永泰二年言兩都共若干

年高拯詩可證詞學指南蕭邁玉芝堂談薈於寶應之後大

廣德三年進士試棘門箴歷之前有狀元蕭邁不知其

年附此俟考按此與徐申舊書本傳京兆人擢進士第權

咸通五年蕭邁同名文公集徐申墓誌銘申字維降東

海邾人永泰初當著作賈常侍至操柄儀曹舉士林之菁華舉進

士上第李翱徐中行狀公東海邾人永泰元年寄籍京兆府舉進

知貢舉 上都尚書右丞賈至舊書本紀此年二月有禮部侍郎

賈至按楊綰傳作尚書左丞賈至

而本紀大曆三年言右丞賈至爲兵部侍郎左郎右之訛也賈至於大曆三年始遷官紀言禮部侍郎蓋因上年之紀致誤杜集有別唐十五誠因寄 東都禮部侍郎楊綰 賈至集授楊綰禮部侍郎禮部賈侍郎至詩 綰質稟天和才優大雅理能自暢學不爲人自委身於周行孤立於中道喜愠莫形於顏色外物無得而親疏聲問日高志致彌遠固足以抑揚雅俗宏獎素風宜貳職於南宮仍屬詞於東觀俾難進之夫增氣干仕之子知慚斲雕澄源朕志斯在可守禮部侍郎仍修國史餘如故施行蓋於廣德二年放榜後代蕭昕

二年

丙午

正月乙酉詔曰理道同歸師氏爲上化人成俗必務於學俊造之士皆從此途國之貴遊罔不受業修文行忠信之教敦祇庸孝友之德盡其師道乃謂成人然後揚於王庭考一作敷以政事徵之以

禮任之以官實於周行莫匪邦彥樂得賢也其在茲乎朕志求理

道一作承

尤重儒術先王設教敢不底

一作

行頃以戎狄多虞急

於經畧大學空設諸生蓋寡弦誦之地寂寥無聲函丈之間殆將
不掃上庠及此甚用憫焉今寓縣又寧文武並備方投戈而講藝
俾釋菜以行禮使四科咸進六藝復興神人以和風化浸美日用
此道將無間然其諸道節度觀察都防禦使等朕之腹心久鎮方
面眷其子弟爲奉義方脩德立身是資藝業又恐干戈之後學校
尙微僻居遠方無所諮稟山東寡問質疑必就於馬融關西盛名
尊儒乃稱於楊震負經來學當一作集京師并宰相朝官及神策

六軍諸將子弟欲得習學者自今以後并令補國子學生欲其業重藏金器成琢玉日新厥德代不乏賢其中身雖有官欲附學讀書亦聽其學官委中書門下卽簡擇行業堪爲師範者充學生員數多少所習經業考試等并所供糧料及綠學館破壞要量事修理各委本司條件聞奏務須詳悉稱朕意焉

舊唐書本紀 冊府元龜 唐大詔令集

通鑑自安史之亂國子監室堂頽壞軍士多借居之祭酒蕭昕上言學校不可遂廢是年正月勅復補國子學生

二月丁亥朔釋奠於國學賜宰臣百官煖錢五百貫於國學食

舊唐書

本紀 通鑑命宰相帥常參官魚朝恩帥六軍諸將往聽講子弟皆服朱紫爲諸生

辛卯命有司修國子監

通鑑

八月丁亥國子監釋奠復用牲牢上元二年詔諸祠獻熟至是魚

朝恩請復舊制

舊書本紀 通鑑魚朝恩執易
升高座講鼎覆餗以譏宰相

十一月甲子日長至大赦天下改永泰二年爲大曆元年制曰周

徵俊造漢辟賢良垂之典謨永代作則天下有安貧樂道孝弟力

田未經薦用者委所在長官具以名聞奏朕當親自策試量才叙

用舊書本紀 冊府元
龜 唐大詔令集

進士兩都共二十六人

裴樞

乾牋子河東裴樞字環中季父耀
卿唐元宗朝位至丞相親姨夫中

書舍人薛邕時有知貢舉之耗元日因來謁樞親乃曰幾姊有處
分親故中舉人否其親指樞邕整容端手板對曰三十六郎自是
公共積選之才不待處分矣伏恐別有子弟樞卽應聲曰媿子失
言因舉酒憑地誓曰薛姨夫知舉樞當絕跡匿形不顧人世其親

決責令拜謝邕樞竟不屈永泰二年賈至侍郎

陳京

新書儒學傳陳京字

知舉樞一舉而登選後大歷二年薛邕方知舉

慶復陳宜都王叔明五世孫父兼京善文詞常裘稱之妻以兄子

擢進士第昌黎集有與陳京給事書五百家韓注引樊注云京

字慶復大歷元年中進士第柳宗元有陳京行狀柳

何士幹

集先友記韓注云京爲大歷六年進士六蓋元之訛

柳宗元故嶺南鹽鐵院李侍御墓誌妻廬江何氏季

呂牧

見柳宗元

父曰士幹韓注士幹永泰二年及進士第累爲藩鎮

先友記韓注永泰

竇叔向

唐才子傳竇叔向字遺直扶風平陵人有卓絕之行登第於大歷初

鄭雲逵

舊書本傳榮陽人

知貢舉

上都尙書右丞賈至

見上

大歷二年

丁未

十月癸卯上御紫宸殿策試茂才異行安貧樂道孝悌力田高蹈

不仕等四科舉人

舊書本紀
冊府元龜

進士二十人

文苑英華載武少儀射隼高墉賦以
君子藏器待時爲韻當是此年試題

崔琮

唐詩紀
事琮登

大曆二年

李竦

唐詩紀事竦登大
曆二年進士第

敬鸞

見文苑
英華

武少儀

韓愈

進士第

上巳日燕太學聽彈琴詩序有司業武公少

李靚

柳宗元先友
記靚隴西人

韓注大曆二年

宇文選

柳宗元先友記選河南
人韓注大曆二年進士

賈弁

柳宗元
先友記

弁長樂人韓注大

曆二年中進士第

諸科一人

明經科

馮伉

舊書儒學傳馮伉本魏州元城人父玠後家於京
兆伉少有經學大曆初登五經秀才科授秘書郎

按五經秀才卽

五經登第也

茂才異行科

韋夏卿

韋正卿

舊書韋夏卿傳夏卿苦學大歷中與弟正卿俱應制舉同時策

入高等

南部新書

韋夏卿與弟正卿同日登制科皆曰今日盛事全歸二難之手

以賢良借徵策入異等

呂溫韋夏卿碑釋褐太子正字與仲弟正卿

鴻冥雙舉當代榮之

杜確

柳宗元爲韋夏卿祭杜確文云大歷

萊懷策旣陳綸言煥開考第居甲自天昭間韓注大歷二年夏卿

與弟正卿及確同舉賢良方正高第拔是年無賢良方正科蓋卽

茂才異 高郢 舊書本傳應制舉登茂

行科 高郢 才異行科授華陰尉

樂道安貧科

楊膺

冊府元龜

唐會要

知貢舉

上都禮部侍郎薛邕

摭言大歷二年右補闕薛邕拜禮部侍郎聯翩四榜共放八十人

敬騫射隼高墉賦曰養形元豹兮以隱霧而成文振羽飛蛾兮因

附火而自焚彼紛然之落隼識昧此而喪羣誠不知高非小者所

處靜爲躁者之君苟失度而接

原注疑

適將受斃而何云且夫長壙

崇崇盪若雲峙飛隼雅雅候隨風止曾不料其微陋焉更知其休
否故疾惡之夫善射之子操駢角之弓調白羽之矢縱穿楊之妙
呈落雁之美量遠近於目端審高下於規裏紛洞曾而達腋果裂
隳而破嘴原夫剛鏃初架勁弦正張引彎彎之月影进的的之星
光鏖毛羽之振迅挫容貌之昂藏審必中而後發固焉用而不臧
若也處身順理投跡知常時決起而無滯或怒飛而有方烟雲足
以遐賞翳蒼足以來翔必絕捐軀之患豈貽在殼之殃是則素有
雋志往無不利藏器者入獲隼者器矢應弦而上激禽應矢而橫

墜微俛諒比於小人高墉亦方於重位苟不戒於游處曾何免於
顛躓士有五善斯在載囊有待麗龜之知未忘貫隼之誠勿改幸
文武之不墜希葑菲之必采則知發矢有期獲禽俟時想大易之

靈文微言可頤

按頤或
蹟之訛

稽高墉之元象壯立空持既是則是効

永念茲而在茲

文苑
英華

武少儀射隼高墉賦曰羽族紛紛彼飛隼兮獨勁捷而莫羣心耿
介以騰湧毳斑斕而被文擊每依於素節翔亦致乎青雲匪全身
以自變寧有齒而見焚貫矢落庭既垂名於孔宣父搏鳩陷網又
伏罪於信陵君今也何時輕乎所履伊廣甸不遊乃高墉爰止信

非位乎是蹈宜賈害而鬻死吾嘗問術於列禦寇學藝於熊渠子
爾或捨諸吾斯過矣我矢惟良我弓未藏度中而發於何不臧矧
專精而致用奚得失之難量哉於是正色斂容凝心定志睨手引
滿目注神萃驚弦駭括將辟易以翻飛裂臆洞胸已披離而迸墜
觀彼隼之貽戚諒吾人之會意故君子周而不比用則擇地無苟
進以躡高位無躁求以享厚利智昧於是安往而免夫顛躓然則
懷貪怙力者怨所聚材小任崇者覆可待故聖人明象象以立言
懸日月而不改或有人兮脩其詞遇其時三復射隼之兆載欣射
隼之期幸寸長而罔貴冀一聞而在斯

文苑
英華

三年戊申

四月二十五日復置童子科舉每歲本貫申送禮部同明經考試取十歲以下習一經兼論語孝經每卷誦文十科全通者與官通七已上者與出身仍每年冬本貫申送禮部同明經舉人例考試

訖聞奏

冊府元龜

七月增置崇元生員滿一百

唐會要

進士十九人

高拯

唐詩紀事拯大歷三年進士試官薛邕也又云拯及第後贈試官云公子求賢未識真欲

將毛遂比常倫當時不及三千客今日何如十九人按此爲上都及第

諸科三人

知貢舉

上都禮部侍郎薛嵩

見上

四年

已酉

進士二十六人

齊映

狀元常少卿

舊書本傳瀛州高陽人父玘試太

博學宏詞

五百家韓注樊氏曰登科記齊映大厯五年進士第

應進士舉至省訪消息歇禮部南院遇雨未食傍徨不知所之徐

步墻下有一老人白衣策杖二小奴從揖齊公曰口已高公應未

殮某居處不遠能暫往否映愧謝相隨至門外老人曰某先去留

一奴引郎君躍上白驢如飛齊公乃行至西市北入一靜坊新宅

門曲殿潔良久老人復出侍婢十餘皆有所執至中堂坐華潔侈

盛良久因鋪設於樓酒饌豐異逡巡入報有送錢百千者老人曰

此是酒肆所入某以一九藥作一瓮酒及晚請去老人曰郎君有

奇表要作宰相耶白日上昇耶齊公思之良久云宰相老人笑曰

明年必及第此官一定贈帛數十疋云慎不得言於人有暇卽一

來齊公拜謝自後數往皆有郵賚至春果及第同年見其車服修

整乘醉詰之不覺盡言借二十餘人期約俱詣就謁老人聞之甚
悔至則以廢疾託辭不見各奉一縑獨召公入責之曰爾何乃輕
世也比者昇仙之事亦得今不果矣公哀謝

李益

舊書本傳肅
宗朝宰相揆

負罪出門去旬日復來宅已貨訖不知所詣

之族子登進士第 唐才子傳李益字君虞隴西姑臧人大曆四

年齊映榜進士

蔣防霍小玉傳大歷中隴西李益年二十以進

士擢第其

冷朝陽

唐才子傳朝陽金陵人大曆年齊映榜進士

明年拔萃

及第不待調官言歸省覲自狀元以下一時

名士大夫及詩人李嘉祐李端韓翃錢起等大曾賦詩攀餞唐詩

紀事載李嘉祐送朝陽登第歸江寧云高第由佳句諸生似者稀

長安帶酒別建業候朝歸稚子歡迎棹鄰人爲掃扉含情過舊浦

鷗鳥亦依依又錢起送朝陽擢第後歸金陵覲省詩云萊子晝歸

今始好播園景色夏偏濃夕陽流水吟詩去明月青山出竹逢兄

弟相親初讓果鄉人爭賀舊登龍佳期少別俄千里雲樹愁看過

幾

鄭僖 韓愈河東節度觀察使鄭公神道碑公諱儋明左氏春

重

秋以進士選爲太常參軍事五百家注引樊曰大歷四

年登

賈全

弁之弟見柳宗元先友記

韓注全大歷四年進士

卷之四

卷之四

三五

諸科二人

博學宏詞科

文苑英華大歷四年試宏博五星同色賦以昊天有成命爲韻

張叔良

見文苑英華

崔琮

見文苑英華

按崔琮已見前則琮當作琮

按呂溫作崔琮

呂溫

集有博陵崔公行狀

文苑英華子目作崔琮行狀琮字君濟

出博陵第二房見世系表

以詞麗甲科

超尉王屋

知貢舉 上都禮部侍郎薛邕

見唐語林

東都權知留守張延賞

按

書齊映傳言映於東都舉進士及宏詞時張延賞爲河南尹東都留守又任華佗李珣序言宗伯張公蓋留守兼知舉非特將漢爲然實始於延賞也延賞於大歷二年拜河南尹五年正月始充東都留守而杜鴻漸於三年八月代王縉爲東都留守以疾未之任延賞本傳於是年言權知留守是矣今從之

張叔良五星同色賦曰聖人守公器膺大寶下順乎黔黎上法乎
元造天且不言而親於德星有同色兮應以道日月既運機槍必
掃近接唐堯遠徵太昊惠化已敷於萬國降精何慚於五老若乃
二儀覆載七曜迴旋運行有準次含有躔或以筭合或以珠聯更
水火之啓閉遺金木而推遷且鎮也者配萬物以時應周四序以
功全德位居中混儀之人事著矣色黃主土國家之王氣在焉故
歲以春而布令辰以冬而候宣熒惑奉炎於夏日太白御煞於秋
天皆青白各爾赤黑自然忽與土而同色瑞我皇之應乾遯覽傳
記遐徵休咎陰數六陽數九上蒼降精元象所守事須合於往契

政必由乎厥后二儀交泰兮自古同休五星輝彩兮當今信有天
下歡洽百姓殷阜况運昌兮屬乎義軒矧歲稔兮逢乎申酉且夫
據大號寶鴻名既資乎日角亦稟乎星精然後徵符瑞叶休禎天
雖高兮取則不遠象既設兮其應甚明觀五曜之同質審四序之
有成則知聖能法天天能瑞聖君臣合作遠近相慶德邁乎古今
道洽乎歌咏信五星之一色乃昊天之眷命

文苑
英華

崔綜五星同色賦曰大儀設象下土是保作炯戒於人主垂吉凶
於穹昊咎厥失政休厥有道盈縮之分足推進退之心可考或主
德而有功必祐或主法而有罪必討爲天之佐兮融融作乾之緯

兮杲杲若乃從橫天宇經紀星躔光芒井口煜燿斗邊乍聚乍散
或離或連分道則熒熒米散周流乃點點珠圓其動也直其靜也
專道濁則失位時清則色妍豈比夫二使獨能承命七紀徒爲麗
天者也今我后運乾之符握坤之紐表正萬方肇康九有啓土繼
聖乃人和而歲阜順時立政故天長而地久所以有倫有次不淫
不守光光兮作邦之孚崇崇兮作聖不朽故我后修五禮假五兵
君臣一德歌舞以行斯倉斯廩如坻如京玉衡正太階平遂使金
也水也不能知白而守黑木也火也不能全曜而自貞乃並用而
不變與黃中而同明東爲四方之首胡不與歲而同色水爲五行

之長胡不助神以同榮繁土也我皇之休運乃昊天而有成日
玉燭常明霜天若鏡隣月魄而璀璨落天津而隱映朝臨日道助
我后夙興之勤思暮入天樞表聖皇夜寐之勤政有以見日月之
貞觀有以見天地之寶命暫逢急景之時更作重暉之咏

文苑
英華

五年

庚戌

六月己未彗星始滅赦天下制曰文武官及前資六品已下弁草

澤中有碩德

學作

專門茂才異等智謀經武諷諫主文者仰所在

州府觀察牧宰精求表薦如所繇搜揚未盡遺逸林閭者卽宜詣

闕自舉親當策試量能擢用

舊唐本紀 册府元
龜 唐大詔令集

進士二十六人

玉芝堂談錄
作二十七人

李搏狀元

李端唐才子傳李端題
州人嘉祐之姪也

大曆五年李搏榜進士及第授秘書省校書郎極元集李端字
正己大曆五年進士 端之父震大理丞見舊書李虞仲傳

顧少連

舊書本傳舉進士擢上第以拔萃補登封主簿 杜黃裳
顧少連神道碑少連字夷仲吳郡人也每躬率耕稼勵精

撰典齒列上庠升堂觀奧時小宗伯薛公邕深所歎異以為東南
之美盡在廊廟之器不孤擢進士甲科 永樂大典引蘇州府志

顧少連西

衛準

唐詩紀事準大曆五年
登進士第按準一作單 韋重規 見柳宗元集

京試及第

裴佶

舊書裴耀卿傳耀卿子綜綜子佶字宏正幼能
屬文弱冠舉進士以元和八年六月十二推之

大曆六年二十歲

按傳云佶授藍田尉時有詔命畿內諸縣城

奉天時嚴郢為京兆政尚峻暴加以朝旨甚迫尹正之命急如風
霆本曹尉韋重現其室方娠而疾畏郢之暴不敢以事故免佶因

請代役無愆程當時義之重規於五年登第疑佶之同年故附載
是年 李珣任華餞李珣擢第還鄭州序今年東都秀才登第者凡
十數人隴西李珣為之稱首且宗伯方以拔淹滯愍勸

登科記考

卷十

七

舊爲務而珥則年甫二十餘豈張公意耶其如考舊文則上等試文策又上等欲以年少棄可乎不可也按張公謂延賞

明經科

陳潤

永樂大典引蘇州府志陳潤是年舉明經又中奇

縣令樂天之外祖也

舊書張鑑傳大厯五年除濠州刺史招

經術之士講訓生徒比去郡升明經者四十餘人附載於此

知貢舉

上都禮部侍郎薛邕

見唐語林按薛邕至此年放四

或字有

東都留守張延賞

按張延賞於是年正月充留守

六年

辛亥

四月戊午

舊書本紀作丁巳

上御宣政殿親試諷諫主文茂才異等智謀

經武博學專門等四科舉人帝親慰勉有司常食外更賜御廚珍饌及茶酒禮甚優異舉人或有不敝衣菜色者帝憫之謂左右曰兵

革之後士庶未豐皆自遠來資糧不足故也因為之泣下時方炎暑帝具朝衣永日危坐讀太宗貞觀政要及舉人策成悉皆觀覽一百餘道將夕有策未成者命大官給燭令盡其才思夜分而罷

時登科者凡一十五人

冊府元龜

進士二十八人 王淑

狀元

章八元

唐才子傳章八元大曆六年王淑榜第三人進士居京既

久床頭金蓋歸江南訪章蘇州符贈甚厚復來都應制科唐詩紀事八元睦州人登大曆進士第韋應物送八元擢第往上都

應制詩云決勝文場戰已酣行應辟命復才堪旅食不辭游闕下春衣未換報江南天邊宿鳥生歸思關外晴山滿夕嵐立馬欲從

何處別都門 路季登 舊書路巖傳巖祖季登 沈竦 元和姓纂

楊柳正甄甄 趙需 柳宗元先友記需天水 張惟儉 柳宗元

令生疎大曆六年進士左庶子 趙需 柳宗元先友記需天水 張惟儉 柳宗元

不才言示

三

惟儉宣城當塗人韓

盧景亮

見柳宗元先友記韓注景亮字長晦幽州范陽人大歷六年中進士

注大歷六年進士

第舊書文苑傳盧景亮

楊於陵

浙西恃才浮傲宴遊不恭韓

第進士宏詞授秘書郎

楊於陵

乃韓女壻以同年救之

晉公自席械繫之來晨將議刑時楊於陵為是年及第

李翱楊於陵墓誌銘

歲

公諱於陵字達夫年十八舉進士第舊書楊嗣復傳言於陵十九登進士第二十再登博學宏詞科當以傳為正於陵是年十九

諸科二人

諷諫主文科

鄭珣瑜

新書本傳珣瑜字元伯鄭州滎澤人大歷中以諷諫主文科高第授大理評事

李益

開府元龜唐會要

茂才異等科

陳潤

見上奇才異能應即茂才異等科

博學專門科 關

知貢舉

上都禮部侍郎張謂

見唐語林 常袞授張謂禮部侍郎制云勒稱秩元祀春官職焉舉

秀興廉國朝兼領非文儒碩茂登茲精實重於一時者不在此地

中散大夫守太子左庶子上柱國河內縣開國子賜紫金魚袋張

謂宏達有檢和平易容豈道廣而難周亦言滿而無擇博涉羣籍

通其源流振起鴻藻正其聲律翰飛北閣煥發司言居部長人不

忘惠訓輔相東禁孝友彰明貳宗伯之掌禮典諸侯之貢士

以爾公望副茲眷求可守尙書禮部侍郎散官勲封賜如故

都留守張延賞

舊紀五月癸卯以河南尹張延賞爲御史大夫則春試時延賞猶在東都也

進士三十三人

張式

狀元 舊書張正甫傳正甫兄式大曆中進士登第 柳宗元先友記式南陽人韓

注大曆七年

楊當

唐才子傳楊當河東人大曆七年張式榜及第 新書儒學傳楊當進士擢第

年進士

堪余家有唐王叔平故監察御史襄行王公墓誌銘云公諱仲堪字仲堪其先太原人生而岐嶷體備剛柔越在齡年便志于學

建乎弱冠乃爲燕趙間人經史該通詞藻豔發本道廉察使賢而薦之自鄉試西游太學羣公卿士聆其聲而交之所居結轍名動

京邑大歷七年

王礎

昌黎集與陸修員外書陸相公司貢士考文章甚詳原其所以亦由梁補闕肅王郎中礎

年進士擢第

王礎

胡珣 昌黎集少府監胡公神道碑胡

佐之五百家注引孫注大

胡珣

公諱珣字潤博凡一試進士二

應七年中第十五卒 即吏部選皆以文章占上第五百家注引補

注云大歷七年珣登第

按珣張籍妻父也 諸科四人 歸登 舊書歸崇敬傳歸登字冲

之大歷七年舉孝廉高第

博學宏辭科

樓於陵

見上

知貢舉

上都禮部侍郎張謂

見唐語林

八年

癸丑

進士三十四人

文苑英華載陸贄東郊朝日賦以國家行仲春之令爲韻容齋續筆引唐登科記作東郊朝日賦以

國家行伸之令爲韻誤缺二字是

陸贄

順宗實錄陸贄吳郡人年十八進士及第讀

讀

年試禁中春松詩亦見文苑英華

永樂大典引蘇州府志陸贄

書志陸贄嘉興人大曆八年進士

西京試第六人權文公撰翰苑集序公論贄字敬輿吳郡蘇人

溧陽令偁之于年十八登進士第舊書本傳登進士第以博學

宏辭登科唐詩紀事有錢起喜陸贄擢第還蘇州詩云鄉路歸

何早雲間喜擅名思親盧橘熟帶雨客帆輕夜火嚴綬舊書本傳

臨津驛晨鐘隔浦城華亭養仙羽計日再飛鳴嚴綬嚴綬蜀人

曾祖方約利州司功祖挹之符離尉父丹殷中侍御史綬大曆中

登進士第元稹嚴公行狀公以大曆八年舉進士禮部侍郎張

謂妙選時鄭利用柳宗元先友記利用餘慶從父周存苑見文

彥在選中兄也韓注利用大曆八年進士

華員南溟見文苑常沂見文苑英華

英華

諸科五人

知貢舉

上都禮部侍郎張謂

見唐語林

東都留守蔣渙

舊書本紀七年五月

癸亥以檢校禮部尙書蔣渙充東都留守八年九月甲午東都留守蔣渙兼知東都貢舉

陸贄東郊朝日賦曰日爲炎精君實陽德明至乃照臨下土德盛則光被四國天垂象聖作則候春分之節時刻罔愆順周官之儀事乃不忒於是載青旂儼翠華蓋留殘月旗拂朝霞咸濟濟以皇皇備禮容於邦家天子躬整服以待曙心旣誠而望賒倏爾罷嚴更闢禁城五輅齊駕八鸞啟行風出郊而草偃澤先路而塵清卷餘靄於林薄動神光於旆旌初破鏡而半掩忽成輪而上征杲耀榮光分輝於千品萬類烟煜瑞色均燭於四夷八紘一人端冕以仰拜百辟奉璋而竭誠故曰天爲父日爲兄和氣旁通帝德與日

德俱遠清光相對帝心與日心齊明時也春事既用夾鐘律中登
觀臺而瑞集覩芳甸而農眾東爲陽位故出拜於國東仲居時中
乃展禮於春仲既而盛禮畢陳錫鑿回輪家有罄室巷無居人備
禮服之燦燦殷遊車之鱗鱗人望如草我澤如春惟天德與聖壽
配朝日而長新伊茲禮之可持懋前代而脩之漢拜庭中成煩襲
之細事魏朝歲首失禮經於舊時國家欽若天命率由時令矯前
王之失德修古典而施敬俾伯夷之掌禮倅軒后以作聖恭承命
於春卿遂觀光而興詠

文苑
英華

陸贄禁中春松詩日陰陰清禁裏蒼翠滿春松雨露恩偏近陽和

色更濃高枝分曉日靈韻雜宵中嵐助爐烟遠形疑蓋影重願符

千載壽不羨五株封儻得廻天眷全勝老碧峯

文苑
英華

周存禁中春松詩曰幾歲含貞節青青紫禁中日華留偃蓋雉尾
轉春風不爲繁霜改那將眾木同千條攢翠色百尺澹晴空影密

金華近花明鳳沼通安知幽澗側獨與散樗叢

文苑
英華

員南溟禁中春松詩曰鬱鬱貞松樹陰陰在紫宸慈龍偏近日青
翠更宜春雅韻風來起輕烟霽後新葉深棲語鶴枝亞拂朝臣全
節長依地凌雲欲致身山苗蔭不得生植荷陶鈞

文苑
英華

常沂禁中春松詩曰映殿松偏好森森列禁中攢柯霑聖澤疏蓋

引皇風曉色連秦苑春香滿漢宮操將貞石固材與直臣同翠影

宜青瑣蒼枝秀碧空還知沐天眷千載更憇龍

文苑英華

九年

寅

進士三十二人

東都試蜡日祈天宗賦見乾臙子上都試元日望含元殿御扇開合詩東都試清明日賜百僚新火

詩見文苑英華

楊憑

狀元見廣卓異記引登科記舊書憑字虛受新書一字嗣仁柳宗元祭楊憑詹事文童宗說注

云大歷元年

張莒

柳宗元先友記莒常山人韓注大歷九年進士鄭軼唐詩紀事

舉進士甲科

韓濟

唐詩紀事濟大歷九年進士李端送濟及第歸江東觀省詩云登龍兼折桂歸去當高車舊楚楓猶暗

前隋柳已疏月中逢漢客浪裏得鄉書見說江邊住知君不厭魚

王濯

唐詩紀事濯登大歷九年進士第

延唐詩紀事大歷九年留守蔣渙試進士於東都延登第

閻濟美

舊書良吏傳閻濟美登進士第乾臙子載閻

濟美紀事云某三舉及第初舉劉單侍郎下雜文落第二舉坐王
侍郎雜文落第某當是時年已踰蹻常于江徼往徑山欽大師處
問法是春某既下第又將出關因獻座主六韻律詩曰謇謬王臣
直文明雅量全望鑪金自躍應物鏡何偏南國幽沈盡東堂禮樂
宣輸今游異士更昔至公年芳樹歡新景青雲泣暮天唯愁鳳池
拜孤賤更誰憐座主覽焉問某今年何者退落具以實告先榜落
第座主赧然變色深有遺才之嘆乃曰所投六韻必展後效足下
南去幸無疑將來之事某遂出關秋月江東求薦名到省後兩都
置舉座主已在洛下比某到洛更無相知使投跡興化里店勸時
物翔貴囊中但有五縑策蹇驢而已有舉公盧景莊已爲東府首
薦亦同處焉僕馬甚豪與某相揖未交一言久乃問某曰聞子自
何至止對曰從江東來敬奉不敢怠景莊一旦際暮醉歸忽蒙問
某行第乃曰閣下消息絕好景莊大險某對曰不然必先大府
首薦聲價已振京洛如某遠地一送豈敢望有成哉景莊曰足下
定矣十一月下旬遂試雜文十二月三日天津橋放雜文榜景莊
與某俱過其日苦寒是月四日天津橋作鋪帖經景莊尋被黜落
某具前白主司曰某早留心章句不上帖書必恐不及格主司曰
可不知禮闈故事亦許詩贖某致詞後紛紛去留某又還前白主

司曰侍郎開獎勸之路許作詩贖帖未見題出主司曰賦天津橋望洛城殘雪詩某只作得二十字某詩曰新霽洛城端千家積雪寒未收清禁色偏向上陽殘已閣主司催納詩甚急日勢又晚某告主司天寒水凍書不成字便問主司處分得句見在將來主司一覽所納稱賞再三遂唱過其夕景莊相賀云前與足下並鋪試蜡日祈天宗賦竊見足下用魯某對衛賜據義衛賜則于貢也足下書衛賜作駟馬字唯以此奉憂耳某問是說反思之實作駟馬字意甚惶駭比榜出某濫忝第與狀頭同參座主座主曰諸公試日天寒急景寫札雜文或有不加法今恐文書到西京須呈宰相請先輩等各買好紙從來請印如法寫淨送納抽其退本諸公大喜及某撰本卻請出駟字上朱點極大座主還闕之日獨揖前曰春間遺才所投六韻不敢暫忘聊副素約耳按唐詩紀事亦載此事言濟美於大厯九年春下第將出關獻座主張謂詩是年張謂知上都舉乾牒子作王侍郎非也第東都十年知舉爲蔣渙紀事以爲張謂亦非乾牒子又言劉單

楊瑀 瑀大厯九年進士見

柳宗元先友記韓注

知貢舉

上都禮部侍郎張謂

唐詩紀事張謂大厯間爲禮部侍郎典七年八年九年貢舉

東都留守蔣渙

見上

張苞元日望含元殿御扇開合詩曰萬聖來朝歲千秋觀聖君
迎仙仗出扇匝御香焚俯對朝容近先知曙色分冕旒開處見鐘
磬合時聞影動承朝日花攢似慶雲蒲葵那可比徒用隔炎氛

文苑

英華

鄭轅清明日賜百寮新火詩曰改火清明後優恩賜近臣漏殘丹
禁晚燧發白榆新瑞彩來雙闕神光煥四鄰氣回侯第暖烟散帝
城春利用調羹鼎餘輝燭摺紳皇明如照隱廟及燧螢人

文苑英華

韓濟清明日賜百寮新火詩曰玉騎傳紅燭天厨賜近臣火隨黃

道見烟繞白榆新榮耀分他室恩光共此辰更調金鼎膳還暖玉

堂人灼灼千門映輝輝萬井春應憐聚螢者瞻望獨無鄰

文苑
英華

王濯清明日賜百寮新火詩曰御火傳香殿華光及侍臣星流中

使馬燭耀九衢人轉影連金屋分輝麗錦茵焰迎紅葉發烟染綠

條春助律和風早添爐暖氣新誰憐一寒士猶望照東鄰

文苑
英華

史延清明日賜百寮新火詩曰上苑連侯第清明及暮春九天初

改火萬井屬良辰頒賜恩踰洽承時慶亦均翠烟和柳嫩紅焰出

花新寵命尊三老祥光燭萬人太平當此日空腹賀陶鈞

文苑英
華以

上又見唐

詩紀事

南菁書院叢書

登科記考卷十一

大興徐松

唐代宗睿文孝武皇帝

大曆十年

乙卯

五月二十五日敕童子科宜停

舊書本紀冊府元龜唐會要

六月詔國子儒官勘校經本送尚書省

張參五經文字序

進士二十七人

文苑英華辨證引唐登科記大曆十年上都試五色土賦東都試日觀賦按文苑英華五色土賦以

皇子畢封依色建社為韻日觀賦以千載之統平上去入為韻又按唐詩紀事大曆十年東都試龜負圖詩

崔恆

第四人及第文苑英華作崔損注引登科記作崔恆無崔損崔損乃大曆十一年進士文苑英華誤其開元十八年崔損別是

一 崔種

上都第六人及第

盧士閏

文苑英華作士閏注引登科記作士閏今從之

丁澤

登科記考

卷十一

一

英華作丁春澤注引登科記作丁澤
今從之唐詩紀事丁澤爲東都第一

王建

唐才子傳王建字仲初潁川人大曆十年

丁澤榜第二人及第
按建爲東都第二人

諸科一人

知貢舉 上都禮部侍郎常袞

舊書本紀九年十二月中書舍人常袞爲禮部侍郎

東都

留守蔣渙

見唐語林

崔恆五色土賦曰至哉土德光含五色其色也辨五方以建侯其德也發萬物以生植自夏禹而作貢在徐方而是職王者立社以封疆諸侯苴茅而有國於赫巨唐德之皇皇乘土而化康采大漢強幹之宜裂地以爵法有周維城之制分土而王各班其位各正

其方用甲日而靡忒建陰氣而允臧定五方而式序分五色而有
章平野煙銷發卿雲之瑞彩高天雨霽浮麗日之重光眾色環封
所以示外其其方職正色居上所以表內附於中黃觀其儀則知
大君之有弼稽其旨則知邦伯之有秩列三才則惟數在五參十
端則惟德居一既明既麗可以比乎天文不騫不崩所以保乎陰
陽配皇王之永久齊天地而終畢矧夫經邦理社必土是封光昭
聖德協贊時雍將尊天以親地在侯土與國社既蕃鞠乎四海實
底甯乎天下若然者君立社以布政臣受土而宣威象君臣之同
理知社土之相依是以成百王之則作萬邦之憲珪璋玉帛莫不

因我而執公侯伯子莫不因我而建土之德也斯美社之義也奚擬其色也匪同五星而乍連乍散其質也各表一方而嶽立山峙有以崇國祚於我皇有以同磐石於宗子夫如是則其義廣矣豈斯文之所能盡紀

文苑
英華

盧士閔五色土賦曰尊彼國常乃立人極依大社以封土命諸侯以方色木官復位東方於焉必書火正是司南方由之可識西同白帝之象北察元武之職配中黃而立名覆四方而作式於是端展穆穆授策皇皇賢戚封建君臣樂康旣載人之爾厚亦植物而惟良可以載八紘包大荒豈離邊於爾邑盡東南於我疆昔神蹟

無厭聞革故於有魏天祚明德遂惟新於聖唐總祝融與尊收臣
元冥與句芒知合之以濟代故貢之以來王守於爾位亦有龍子
思窮桐而是立故分茅以其理所以維臣所以撫封爰作稼穡錫
之附庸列五色以相備和八音以相從色能惟正音乃叶雅將察
之以報功故封之以立社惟人是恤選賢以建仰夏王之攸敦法
周官之大憲胙之而氏可命相之而宅可依五德聿修萬方知歸
卽之也真彩煌煌望之也靈壇巍巍足以表正方夏發揚德輝等
乎珪瑞叶以元吉建樹侯家藩屏王室分之惟五行之惟一實邦

家之永固與天壤而齊畢

文苑
英華

丁澤日觀賦曰日之升也浴海而麗天嶽之峻也切漢而臨邊登高者以致九霄之上愛景者欲在萬人之先其所惟一其初惟千伊風靈之有載彼日觀之存焉夫其夜刻未終曙色猶昧彼窮高之極遠此有進而無退未辨昏明斯分覆載屢聞鳴雁猶陰沈而不覩忽聽晨雞卽瞳矓而可愛於是漸出暘谷將離地維巖巒旣秀草樹生姿氣則赫絕人皆仰之其望也如燭其照也無私昔者帝王御宇立極垂統封禪及此成功巡狩應其春仲莫不登茲絕頂遐燭大明思煦嫗之義窮造化之精以爲日象一人之德嶽是三公之名信王侯之設險俾夷狄之來平方今一德無爲三光有

象動植昭泰神祇肸鬻千岳瑞色思效祉以爰升萬壑春雲欲入
封而空上客有乏才羽儀心思翳翳每積聚螢之志難登望日之
處引領終夕含情達曙知燭照之有期故躊躇而不去重曰有觀
兮絕代獨立登之望兮無遠不及何太陽之至精莫不專於出入

文苑
英華

丁澤龜負圖詩曰天意將垂象神龜出負圖五方行有配八卦義
甯孤作瑞旌君德披文叶帝謨乘流喜得路逢聖幸存軀蓮葉池
通泛桃花水自浮還尋九江去安肯曳泥途

文苑
英華

十一年
丙辰

六月七日國子監司業張參撰五經文字序云易繫辭曰上古結繩以理後代聖人易之以書契百官以理萬人以察蓋取諸夬夬決也王庭孚號決之大者決以書契也逮周禮保氏掌養國子以道敎之六書謂象形指事會意形聲轉注假借六者造字之本也雖蟲篆變體古今異文離此六者則爲謬惑矣王者制天下必使車同軌書同文故敎人八歲入小學文有疑者則必闕而求之春秋之末保氏敎廢無所取正各遂其私故孔子曰吾猶及史之闕文也今亾矣蓋夫子少時人猶有闕疑之問後亾斯道嘆其不知而作之也蕭何漢制亦有著法太史試學童諷書九千字乃得爲

吏以六體試之吏人上書字或不正輒有舉劾皆正史遺文可得
焯知者也劉子政父子校中祕書自史籀以下几十家序爲小學
次於六藝之末後漢許叔重收集籀篆古文諸家之學就隸爲訓
注謂之說文時蔡伯喈亦以滅學之後經義分散儒者師門各滯
所習傳記交亂訛僞相蒙乃請刊定五經備體刻石立於太學之
門外謂之石經學者得以取法焉遭離變難僅有存者後有呂忱
又集說文之所漏略著字林五篇以補之今制國子監置學書博
士立說文石經字林之學舉其文義歲登下之亦古之小學也自
頃考功禮部課試貢舉務於取人之急許以所習爲通人苟趨便

不求當否字失六書猶爲壹事五經本文蕩而無守矣十年夏六月有司以職事之病上言其狀詔委國子儒官勘校經本送尚書省參幸承詔旨得與二三儒者分經鉤考而其決之互發字義更

相難極又以前古字少後代稍益之故經典音字多有假借

謂若借后

爲後辟爲避大爲太知爲智之類經典通用

陸氏釋文自南徂北徧通眾家之學分析

音訓特爲詳舉固當以此正之

唯今文尙書改就今字制定月令依其時進本與釋文音訓頗有不

同

卒以所刊書於屋壁雖未如蔡學之精密石經之堅久慕古之

士且知所歸然以經典之文六十餘萬既字帶惑體

若鼎彝同物禮經相舛爲

遠同姓春秋互出詁故同義詩題交錯之類

音非一讀

若鄉原之鄉爲嚮取材之材爲哉兩音出于一家而不決其當

否 學者傳授義有所存離之若有失合之則難並至當之餘但朱

發其傍而已猶慮歲月滋久官曹代易儻復蕪汙失其本真乃命

孝廉生顏傳經收集疑文互體受法師儒以爲定例凡一百六十

部三千二百三十五字分爲三卷說文體包古今先得六書之要

若古文作明篆文作明古文作坐篆文作

聖之類古體經典通行不必改而從篆 有不備者求之字林

若

禰道遙之類說文漏

略今得之於字林 其或古體難明眾情驚懵者則以石經之餘

比例爲助

若立變爲宜晉變爲晉之類說文立晉人所難識則以石經遺文宜與晉代之

石經湮沒所存

者寡通以經典及釋文相承隸省引而伸之不敢專也

若立變爲壽

栗之類石經湮沒經

典及釋文相承作耳 近代字樣多依四聲傳寫之後偏傍漸失今

別采說文字林諸部以類相從務於易了不必舊次自非經典文
義之所在雖切於時略不集錄以明爲經不爲字也其字非常體

偏有所合者詳其證據各以朱字記之俾夫觀省無至多惑

石刻
拓本

停東都試貢舉

撫言冊府元龜十年五月詔今年諸色舉並赴上都集注云時禮部侍郎常袞以貢舉人合謁見

異於選人並合上都集舉舊章也蓋十年放榜後停十一年東都
之舉故從摭言載于十一年冊府元龜又注云是後不置東都貢
舉

進士十四人

楊凌

柳宗元與楊京兆憑書丈人以文律通流當世叔仲鼎列天下號爲文章家童宗說注引

登科記大歷九年楊憑中進士十三年楊凝中進士十一年楊
凌中進士皆有名時號三楊唐詩紀事凌字恭履最善文章

許孟容

舊書本傳孟容父鳴謙究通易象官至撫州刺史孟容少以文詞知名舉進士甲科後究王氏易登科柳宗元集

韓注孟容字公範京兆長安

崔損

柳宗元先友記損清河人韓

人大曆十一年中進士第

十一年中進士第 舊書本傳人

歷末進士擢第登博學宏詞科

王紆 紹之兄見柳宗元先友

中進士第

知貢舉 禮部侍郎常袞

見唐語林

舊書常袞傳大曆中為禮

節度馬磷又累著功勳恩寵莫二各有親戚于貢舉及求為兩節

生袞皆執理人皆畏之 按廬言蔽貞元中有無名子自云山東

野客移書劉吏部云兩京常調五千餘人書判之流亦有碩學之

輩莫不風趨洛邑霧委咸京其常袞之徒令天下受屈以茲偏見

求典禮闕深駭物情實乖時望袞云親奉密旨令少取人等豈聖

人容單之意耶今信四監子取彼五隲人且吉中孚判以大明御

字為頭以取告車軒為尾初類是頌翻乃成箴其間又金盤對於

王府非惟問頭不識抑亦義理全乖據此口嘲堪入觀纒張載華

以江泉對溼洛未邵南以養老對乞言埋白未通對仍未識並考

謂公乎況宏辭大國光華吏曹物色公明立標榜令盡赴上都東京者棄而不收常袞大辱於國當即袞知舉時事也

十二年巳

進士十二人

此年試通天臺賦以洪臺獨存

黎逢

狀元 唐詩紀事逢登大

應十二年進士第

撫言黎逢氣貌山野及第年初場至便於簾

前設席主司異之誦其生疎必謂文詞稱是專令人伺之句句來

報初聞云行人徘徊曰亦是常言既

周澈

見十四年周渭注下

而將及數聯莫不驚嘆遂擢爲狀元

周澈

按墓誌言聯中正

錫於二有司之下謂及第於潛炎下則澈及第於常袞下明矣文

苑英華石硯賦有黎逢張少博又尙書郎上直聞春漏詩有張少

博周澈故知澈

鄭餘慶

舊書本傳祖長裕官至國子司業父慈

不在黎逢前也

鄭餘慶

與元德秀友善官至太子舍人餘慶少

勤學善屬文大曆中舉進士

柳宗元

先友記韓注

餘慶字居業鄭州滎陽人大曆十二年中進士第

任公叔

見

苑英

楊系

見文苑英華

華

知貢舉 禮部侍郎常衮

見唐語林

黎逢通天臺賦曰行人徘徊登秦原而遊目見漢右之荒臺清風
穆其尙在翠華歸而不迴對古情至臨高思來披芟草以遐想觀
離宮而興哀試問薪者乃秦人也云漢之興茲臺之下馳道通乎
中禁周牆繞於平野經逝川而不息撫環堵而殊寡昔漢皇帝幸
甘泉宮肆目將遠築臺其中高居物外若與天通祈列仙之戾止
致壽聖之延洪繹繹憑雲躡躡捧日于元氣以直上倚長空而迴
出危檻岩峩迴途鬱律植承露之盤開肅神之室將以接上元朝
太一乘大君之登降訪總真之撫實於戲郊祀之義志而可採鴻

紛之狀望而已改哀壯麗之都失想威靈其如在徒野鳥之飛來
何眞人之可待且白日可以精貫元珠難乎力求雖層臺巉嶮磴
道周流秦時乎西面齊宮乎上頭仰通蒼昊俯瞰皇州甯不死之
可致諒其生也若浮我國家立太平尚清靜儼宸居以自整絕仙
臺之望幸雖丹檻栖於列宿飛梁歷於倒影有唐虞之允恭無漢
武之遊騁化由其衷居慎其獨有儀可象無思不服自然爲域中
之大獲天下之福等南山之不驚何高臺之是築

今本文苑英華
闕名據永樂大

典載舊本文
苑英華補

任公叔通天臺賦曰武皇起雲陽之宮致崇臺於爽塏統山谷之

交會得神明之所在近瞰八極周臨四海將端冕而不一必垂衣
而有待是用迴載天路高標地游依稀元圃想像丹邱嶮道邈以
特立通天赫其無僞託神靈於秦甸結元氣於雍邱白日旁轉青
雲上浮八垓可接於咫尺步萬象無逃於寸眸是獻歲春眾靈咸秩
天子乃舉羣祠撰吉日郊上元禮太一風伯陪乘蚩尤扈蹕向甘
泉以整像屆通天而挺出旣而越氛霧之途近星辰之境背麟行
之五時面長安之萬井岐陽太華雙標象魏之形秦嶺終南遙樹
軒墀之屏蹈煙霞而有慕潔齋戒而思眚奉寶位之虔恭佇神仙
於光景當其宵衣待曙賜谷未開鈎陳匝乎營衛天漢列以昭回

燿火周起神光迴來暨三山之遍登當仰候於斯臺竊竊高躅神
祇熒煜喜氣周旋慶雲迴復召安期於滄海降王母於黃屋樹翠
玉以青葱草靈芝以芬馥上結綵幟高居耳目斯覽物於懷柔非
取樂於幽獨觀乎層構凌空形勢作雄風起而纖埃不致雨過而
瀑溜潛通其載惟厚其履惟洪所以大啟於皇祚豈徒峻極於蒼
穹是以擁帶休徵感通純嘏會歌童之曲節彰從臣之風雅立極
人望叶靈王者將大漢之可追願侍祠於臺下

文苑
英華

楊系通天臺賦曰伊昔炎漢功高化洪樂率土之暨阜築通天而
且崇初一簣以發地終百尋以隱空構之以榱梓飾之以丹紅浮

彩外爍流光內融赫兮烜兮獨出煙雲之表壯矣麗矣迴標天地
之中柏梁不同井幹非正勢岌疑以山峙體曠曠而景軼中邃宵
窺入之者當晝而居昏上跛峻躋登之者先曙而觀日僭位於是
乎宴處安期於是乎暇逸月上壁而旁飛雲緣梯而下出粲粲彩
彩靈仙兮所在若瑤臺之雲馭冠熬山於溟海炳炳彪彪天子兮
其遊若瓊樓之雲蔚照龍燭於崑邱光玉樹而蔥翠影甘泉以沈
浮於是孝武皇帝紹胙卽允登眺遠騁高揖八極俯窺萬井拂軒
楯之宛虹步檐楹之倒影乃言曰可以臨萬國可以游九垓凡厥
層構莫先斯臺窺地底以豁險狃天門以崔嵬謂四夷不遐將拓

跡以開統見百神咸在則祈禱而禳災既玉女之下視復金烏之
上迴既而褒雲獻賦文質彬彬且曰陛下承天啟聖聿膺多福排
玉戶於玉堂麗金鋪於金屋亦可以上憂宗社下恤憚獨何峻極
於臺樹恣歡娛於耳目將乘奔而獨懼矧長途而中宿至矣哉斯
言也我皇德循楷式帝錫純嘏儻茅茨而是陋堯何是乎光宅天

下文苑
下英華

十三年 戊午

進士二十一人

楊凝

狀元

柳宗元為李賁祭楊凝郎中文惟

宗說注云大歷九年憑中進士第十三年凝中進士弟 承樂大
典引蘇州府志云楊凝第一人及第 權德輿兵部郎中楊君集

序石諱凝字懋功早歲遊難於江湖間與伯氏嗣仁叔氏恭履修天爵振備行東吳賢士大夫號爲三楊易象之謠文孔門之言詩皆生知之舉

進士甲科

衛次公

舊書本傳次公字從周河東人恭頤和雅弱冠舉進士禮部侍郎潘炎曰爲國器擢

居上

仲子陵

推德與仲子陵墓誌君卅歲好古學與同門生肆業於義嶺山下採摭前載可以爲文章樞要者紬

釋區別凡數十萬言大

歷十三年舉進士甲科

諸科二人

知貢舉

禮部侍郎潘炎

舊書本紀十二年四月壬午禮部侍郎常袞爲門下侍郎同中書門下平章事

癸未以右庶子潘

炎爲禮部侍郎

十四年

己未

五月辛酉代宗崩癸亥德宗卽位

舊書本紀通鑑

六月己亥朔大赦天下詔曰天下有才藝尤著高蹈邱園及直言極諫之士所在具以名聞諸色人中有孝悌力田經學優深文詞

清麗軍謀宏遠武藝殊倫者亦具以名聞能詣闕自陳者亦聽仍

限今年十二月內到朕當親試

冊府元龜

通鑑十二月湖南賊帥王國良阻山爲盜上遣都官員

外郎關播招撫之辭行上問以爲政之要對曰爲政之本必求有道賢人與之爲理上曰朕比以下詔求賢又遣使臣廣加搜訪庶

幾可以爲理乎對曰下詔所求及使者所薦惟得文

詞千進之士耳安有有道賢人肯隨牒舉選乎上悅

進士二十人

是年試寅賓山日賦以大明在大恆以時授爲

王

儲文苑英華注云大應十四年王儲作魁玉

周渭文苑英華注

引登科記周

渭第二人

韋文公集周君墓誌銘君諱渭字兆師服儒篤學工

爲詞賦大應末帝潘繼居小宗伯號爲得士君與令弟澈聯中正

諒于二有司之下是歲孝文帝嗣大統詳延諸生又以貞師伐

謀對有明法授汝州襄城尉按貞師伐謀卽明年軍謀越眾科

袁同直文苑英華注引登科記袁同直第五人按呂溫臨洮送

袁七書記歸朝詩注云時袁生作僧替人呼爲袁師又鮑

溶有見袁德師侍御說江南有仙寶常行大曆十四年登進士

檀花因以賦贈詩皆謂同直也

第唐才子傳寶常叔向之子也京兆人大曆十四年王儲榜及

第褚藏言寶常傳府君諱常扶風平陵人大曆十四年舉進士

與故吏部侍郎奚陟商州牧卞俛祕書獨孤綬同年卞俛上

上第按傳言寶應元年卒年七十則是年二十四歲

奚陟善書本傳字殷卿亳州人祖乾釋天寶中弋陽郡太守陟少

陵若之秀長而成清廟之器羣倫月旦咸以第一流處之及從鄉

賦泊升名太常果居上第明年詔郡國徵賢良設四科以盡材公

居文詞清麗之目授宏文館校書郎柳宗元先友王表朱

記奚陟江都人韓注陟字殷卿大曆十四年中進士

遂趙博宣乾屢子侍郎潘炎進士勝有六異朱遂爲朱滔太子

王表爲李納女壻彼軍呼爲駙馬趙博宣爲冀定押

衛袁同直入番爲阿師寶常二十年稱前進士奚
某亦有事時謂之六差唐詩紀事同奚某作奚陟

獨孤綬

文苑
英華

作獨孤授注云登科記

博學宏詞科

試放馴象賦以珍異禽獸無育家國爲韻文

獨孤

綬

舊書于邵傳獨孤綬舉博學宏詞吏部考爲乙第邵在中書覆
升甲科人稱其當杜陽雜編上每臨朝多令徵四方邱園才

能學術直言極諫之士由是題筆貢藝者滿於闕下上親自考試
用絕請託之門是時文學相高公道大振得路者咸以推賢進善
爲意上試制策於宣政殿或有詞理乖謬者卽濃筆抹之至尾如
輒稱旨者必翹足朗吟翌日則徧示宰臣學士曰此皆朕門生也
是以公卿大臣已下無不服上藻鑿宏詞獨孤綬所司試放馴象
賦及進其本上自覽考之稱嘆者久因吟其句曰化之武乎則必
受於來獻物或違性斯用感於至仁上以綬爲知去就故特書第
三等先是代宗朝女單國累進馴象三十有二上卽位悉令放之
於荆山之南而綬不辱其受賦不傷放實其知去就焉按
舊書本紀放文單國所獻舞象事在大曆十四年閏五月丁亥獨

孤綬蓋於是年登進

士第又登宏詞科

獨孤良器

見文苑英華

知貢舉

禮部侍郎潘炎

見唐語林

王儲貢賓出日賦曰惟天爲大兮堯實則之命義和而馭日俾出納而從時肇歲首以平分既中星鳥及宵衣而敬導始見嵎夷所以示農功之有序叶君德於無私我國家克定三元光臨四海慕唐虞之舊說崇德禮而私在將舉正以履端奉天時而不改繇是春官藏事太史作程天子居青陽之左个覽萬物之初生始昭宣於東作終協贊於西成杲杲臨空無幽而不燭遲遲監下有蟄而皆驚伊兆人分地之利我聖上則天之明淑氣載揚暢禽魚而共

躍融風乍扇迨葵藿而咸傾庶績其凝三農式就高臺紀於雲物
大野陳其蒐狩畢嚮化以觀光亦順時而敬授歲如何其歲旣登
節盈縮兮日有恆歲如何其歲將起兆發生兮日之始苟奉順而
無違得禎祥而所以原夫君比德於日日麗光乎天撫有萬方每
朝君於歲始照臨庶物故出日於春前煦百泉而冰泮薰九陌而
蒼然台壁表無爲之化重雲示有慶之年信惟貞而惟一示無黨
而無偏客有藏器俟時卑躬思泰遇乾坤之訢合觀日月之光大
莫不向春景以自娛沐堯風而永賴

文苑
英華

周渭真賓出日賦曰陶唐氏欽若日出資授人時乃命羲仲往哉

汝司紀實寶而建始旌燭照兮無私賜谷初昇遐羣冥於側陋扶
桑適上分萬象於毫釐日之爲德也均日之爲功也大作朝夕之
程準見乾坤之交泰無遠無近幽而必通惟植惟生罔不咸賴出
於東兮示發生之所在傾於西兮覩光靈之不改必將表歲以務
穡豈獨陵虛而賦彩爾其孟陬叶月大簇和聲農祥正而土膏咸
動庶績凝而百度惟貞予以秩東作予以望西成塗足沾體勉穡
夫與田峻布和施令樂國泰而君明豈不以五行班序七曜宣精
者哉則有三足呈祥重暉降祉瑞聖斯應爲光有以遠色杲杲非
童子之辯焉浮彩昭昭惟仲尼之揭矣爰考休徵圖牒與能旣煦

育之無外同寅賓而有恆賓者導也惟人之導陽寅者敬也唯人之敬授諒難踰而可仰參地載而天覆觀其煜燿動川澄明麗天消瀼瀼之殘雪斂縞謁之輕煙諸東君與楚客祀岱嶽於漢年願捧圖稱瑞以相宣

文苑
英華

袁同直寅賓出口賦曰日爲天經春爲歲始貞三農而允協於度調四時而不愆於理敬其所出導其所以升黃道而萬化融出青方而百工起所以放勳欽明羲仲是司協和天意敬授人時闕其職則厚生斯廢行其典乃庶績咸熙且曉色曛曜清光杳藹垂大明於有截察幽深於無外守晦明之度類順躋次之交會合一德

而無私位三光而稱八照育無偏陰陽氣宣應律管而初變暖林
花而未鮮興農功於坎室發耒耜於原田既陶陶以受歲亦欣欣
而樂天則知日以陽均德君以政爲恆陽虧則物無仰照政失則
年用不登晴寅賓之日則知平秩之方宏瞻彼溟海日之所在出
扶桑而吐輝泛暘谷而裕彩貞明宇宙協順時候將虔敬而專其
所職豈出納而輕其所授我國家獻歲發生舒句達萌驚大田於
東作紀斯箱於西成君德與日德俱遠道光與日光齊明將授官
而守職俾萬化而爲程

文苑
英華

獨孤授寅賓出日賦曰古先哲王允釐內外雖庶政之咸敘在司

天而爲大所以叶乎上下所以察乎交會其職廢而時令則乖其
職修而黎人永賴歲既陽止東風作矣惟時羲仲奉若天紀候暘
谷之初昇揆農功之當起寅賓克展守而勿失耒耜乃修視其所
以觀乎旭日之漸也麗蒼穹而曜晶按黃道而徐行萬物發春仁
氣良由茲始四方仰照陽德協於麗明盈縮必循夫晷度職司甯
闕其將迎木位值于扶桑初杲杲以出土膏潤於南畝且澤澤其
耕故王者重焉官不虛授考之歷象則象是用貞準之田農則農
靡僛候惟帝典之明徵示人有常惟日官之無改永代斯在平秩
乎下以播百穀欽若乎上以刑四海慎爾有司惟其敬之是將遵

景德於太皞俟神功於女夷玉燭開耀金烏效運致人和而歲美
無亂日而廢時況吾君承乾元化昭宣敘三光以著象乘六龍而
御天經紀不忒職官惟賢分命之事舉曲成之道全觀寅賓之出
日端稼穡兮大田頌聆舜絃歌唐年因末光之可就與義馭而迴

旋

文苑
英華

王儲花發上林苑詩曰東陸和風至先開上苑花櫻枝藏宿鳥香
藥拂行車散白麟晴日舒紅愛晚霞桃問留御馬梅處入胡笳城
郭連增媚樓臺映轉華豈同幽谷草春至發猶賒

文苑
英華

周渭花發上林苑詩曰灼灼花凝雪春來發上林向風初散藥垂

葉欲成陰人過香隨遠煙晴色自深淨時空結霧疏處未藏禽奉

茸何平植間關幾日吟一枝如可冀不負折芳心

文苑
英華

寶常花發上林苑詩曰上苑曉沈沈花枝亂綴陰色浮雙闕近春

入九門深向暖風初扇餘寒雪尙侵豔回秦女目愁處越人心繞

繞時紫蝶關關乍引禽甯知幽谷羽一舉欲依林

文苑
英華

王表花發上林苑詩曰上苑春何早繁花已滿林笑迎明主仗香

拂美人簪地接樓臺近天垂雨露深晴光來戲蝶夕影動棲禽欲

託凌霄勢先開捧日心當知桃李樹從此必成陰

文苑
英華

獨孤綬花發上林

詩曰上苑韶容早芳菲正吐花無言向春日

閑笑任年華潤色籠輕靄晴光豔晚霞影連千戶竹香散萬人家
幸繞樓臺近仍懷雨露賒願君垂採摘不使落風沙

文苑
英華

獨孤綬放馴象賦曰彼炎荒兮王國是實此馴象兮越俗所珍化
之式乎則必受於來獻物或違性斯用感於至仁吾君於是詔掌
獸之官諭如天之意惟越獻象不遠而致推己於物曾何以異徒
見弭雄姿而屈猛志安知不懷其土而感其類揆夫國用芻豢之
費則多許以方來道途之勤亦至與其繼之而厚養孰若縱之而
自遂且彼集於禁林我則有五色九苞之禽在於靈囿我則有雙
鶻共觝之獸何必致遠物於外區崇偉觀於皇都是用返諸林邑

之野歸爾梁山之隅時在偃兵豈要乎燧尾上惟賤賄甯恤乎焚
軀非同委棄罔或踟躕知拜跪兮則有謝渥恩兮豈無復得顧侶
求羣跨川登陸食豐草以垂鼻出平林而瞪目逍遙乎存存之鄉
保守乎生生之福懷仁初就於牽掣順理竟致於亭育游乎水同
反身之龜處乎山異放麕之鹿大道茲始消風不遐感以和樂亦
參乎百獸率舞驅之仁壽甯阻乎四海爲家奚必充帝庭之實駕
鼓吹之車然後可以爲國華者哉由是聖心孚於下國物靡不獲
其所化乃允臻其極放一獸而庶類知歸遂四方而萬代作則彼

周驅犀象漢放駿馬未可論功而校德

文苑
英華

獨孤良器放馴象賦曰皇上御寶厯之惟新闡乾符發坤珍德被
華夷敷雲雨之廣澤恩及飛走含天地之全仁乃卻走馬以反素
斥馴象而不異非耳目之可役同寶玉之遐棄放之於無人之境
歸之於不毛之地或羣或友伊飲斲之無虞載寢載興信生成之
自遂解網之惠無開放鷹之仁克類然後以儒爲林毓賢哲以爲
禽以道爲圍利忠良以爲獸亮功格於人神德齊於宇宙是由化
與澤俱仁與道符賢爲其寶太康之訓不作獸用不擾虞人之箴
遂無徇物之情尤著好生之德式乎可以順天然可以遂亭育既
絕燧尾之患不虞焚身之戮去狂顧於人寰徇野心於林麓伊昔

漢氏惟其晉家焚翟頭之裘於前殿御千里之馬於後車猶自颺
休垂美有聞無譁況我一人溫恭允塞本忽之而勿營非欲之而
復抑往籍之所未覩前王之所不克誠可以懷四夷柔萬國者也

文苑
英華

獨孤綬沈珠於泉詩曰至道歸滄樸明珠被棄捐失真來照乘成
性卻沈泉不是靈蛇吐猶疑合浦旋岸旁隨日落波底共星懸致
遠終無脛懷貪遂比肩欲知恭儉德所寶在唯賢

文苑
英華

獨孤良器沈珠於泉詩曰皎潔澄泉水熒煌照乘珠沈非將寶契
還與不貪符風折璫成浪空涵影似浮深看星并入靜向月同無

光價憐時重，亾情信道樞。不應無歷至，自爲暗投殊。
文苑英華

唐德宗神武孝文皇帝

建中元年

庚申

正月丁巳朔改元建中

舊書本紀

十五日

唐大詔令集作二月十五日

策賢良方正能直言極諫科舉人問朕聞

古之善爲國者未嘗不旁求正士博採直言勤而行之輔成教化者也朕臨御日淺政理多闕每期忠義切投藥石子大夫戢翼藏器思奮俟時今啟心以沃予當有犯而無隱朕不自滿假企慕前王上法羲軒下遵堯舜還已散之涓樸振將頽之紀綱使禮讓興

行刑罰不用而人猶輕犯吏尙徇私爲盜者未奔不仁者未遠豈
臣非稷契而致是乎抑君謝禹湯使之然也設何謀而可以西戎
卽敘施何化而可以外戶不扃五諫安從三仁誰最周昌比漢高
於桀紂劉毅方晉武於桓靈但見含容兩無猜怒故君不失聖臣
不失忠子旣其備應詳往行四賢優劣佇辨深疑在於朕躬所有
不逮條問之外委悉書之必無面從以重不德

冊府元龜 又苑
英華 唐大詔令

集

六月九日勅孝廉科宜停

唐會要 按冊府元
龜以爲二年六月勅

皇太子欲以仲秋之月行齒冑之禮歸崇敬上疏曰五經六籍古

先哲王致理之式也國家創業制取賢之法立明經發微言於眾
學釋回增美選賢與能自艱難以來取人頗易考試不求具文義
及第先取於帖經遂使專門業廢請益無從師資禮虧傳授義絕
今請以禮記左傳爲大經周禮儀禮毛詩爲中經尙書周易爲小
經各置博士一員其公羊穀梁文疏既少請其準一中經通置博
士一員所擇博士兼通孝經論語依憑章疏講解分明注引旁通
問十得九兼德行純潔文詞雅正儀型規範可爲師表者令四品
以上各舉所知在外者給驛年七十已上者蒲輪其國子太學四
門三館各立五經博士品秩上下生徒之數各有差其舊博士助

教直講經及直律館算館書館助教請皆罷省其教授之法學生至監謁同業師其所執贄股脩一束清酒一壺衫布一段其色隨師所服出中門延入與坐割脩斟酒三爵而止乃發篋出經摳衣前請師爲依經辨理略舉一隅然後就室每朝晡二時請益師亦二時居講堂說釋道義發明大體兼教以文行忠信之道示以孝弟睦友之義旬省月試時考歲貢以生徒及第多少爲博士考課上下其有不率教者則夏楚扑之國子之不率教者則申禮部移爲太學生太學之不變者移之四門四門之不變者歸本州之學州學之不變者復本役終身不齒雖率教九年而學不成者亦歸

之州學其禮部考試之法請無帖經但於所習經中問大義二十
得十八爲通兼論語孝經各問十得八兼讀所問文注義疏必令
通熟者爲通一又於本經問時務策三道通二一作三爲及第其中

有孝行聞於鄉閭者舉解具言於習業之下省試之日觀其所實
義少兩道亦請兼收其天下鄉貢亦如之習業考試並以明經爲
名得第者授官之資與進士同若此則教義日深而禮讓興禮讓
興則強不犯弱眾不暴寡此由太學中來者也詔下尙書集百僚
定議以聞議者以爲省者禁也非外司所宜名周禮代掌其職者
曰氏國學非代官不宜曰一作爲太師氏其餘大抵以習俗旣久重

難改作其事不行

舊書歸崇敬傳

冊府元龜

按唐語林云建

某年試題取某經某年試題取某史至

期果然亦勸學之一術也當亦是年事

十一月辛酉朔朝集使及貢士見於宣政殿兵興已來四方州府

不上計內外不朝會者二十有五年至此始復舊制

舊書本紀
摭言計吏至

一百七十三人仍令朝

集使每日二人待制

進士二十一人

摭言引作
二十二

魏宏簡

柳宗元魏府君墓碣府君諱
宏簡字裕之由進士策賢良

連居科首韓注建中元年宏簡

中進士第貞元元年又中賢良

辛憚

柳宗元先友記憚隴西
人韓注建中元年進士

唐次

見柳宗元先友記韓注次字文編井州
陽人建中元年進士第又見舊書文苑傳

孔幾

幾見舊書
孔巢父傳

按幾爲戡母弟蓋亦巢父兄岑父子

韓愈孔幾墓誌銘幾字
君嚴始以進士佐三府五百家注引補注建中元年幾第進士

杜兼舊書本傳京兆人貞觀中宰相杜正倫五代孫舉進士新
書初正倫無子故以兄子志靜為後父廩為鄭州錄事參軍
事安祿山亂為所害兼尚幼逃入終南山伯父存介為賊執陳刑
兼號呼願為奴以贖遂皆免建中初進士高第韓愈杜兼蔡誌
銘兼舉進士弟五百家注引補注兼字田敦舊書令狐暉傳暉
處宏又引韓曰建中元年兼中進士第田敦舊書令狐暉傳暉
刺史田敦暉知舉時進士門生也初暉當貢部放榜日暉逐與敦
不相面敦問暉來喜曰始見座主迎謁之禮甚厚敦月分俸之半
以奉暉

諸科二十七人

賢良方正能直言極諫科

姜公輔

兄冊府元龜唐會要舊書本傳登進士第為校書郎應

制策科高等授左拾遺

元友直

見冊府元龜唐會要

樊澤

見冊府元龜唐會要舊書

新書公輔愛州日南人

書本傳字安時河中人父詠澤長於河朔相衛節度薛嵩奏為磁
州司倉堯山縣令建中元年舉賢良對策禮部侍郎于邵厚遇之

新書澤舉賢良方正次潼關雨澤困不能前有熊執易者同舍

逆旅哀之輟所乘馬傾褚以濟自罷所舉是歲澤上第舊書于

邵傳初樊澤常舉賢良方正邵一見之於京師曰將相之材也不

十五年澤爲節將按澤卽樊宗師之父韓愈樊宗師墓誌銘父

澤以軍謀堪將帥策上第蓋是呂元膺見冊府元龜唐會要

年有軍謀越眾科因而致誤也舊書本傳字景夫鄆州

東平人曾祖紹宗右拾遺祖需殿中侍御史父長卿右衛

倉曹參軍元膺建中初策賢良對問第授同州安邑尉韓舉

舊書韓況傳子皋字仲閻由雲陽尉擢賢良科拜右拾遺轉左補

闕累遷起居郎考功員外郎俄丁父艱德宗遣中人執第慰問

按德宗之初建中元年貞元元年貞元四年皆舉賢良方正科韓

況卒於貞元三年則皋登科在其前而貞元元年韋執誼等十八

人名皆見會要冊府元龜無皋名則皋於建中元年登第無疑矣

文詞清麗科

奚陟

見冊府元龜唐會要

制舉文詞清麗科授宏文館校書

梁肅

見冊府元龜唐會要

崔元翰梁肅墓誌銘君諱肅字寬中

建中初以文詞清麗應制授太子校書新書肅字敬之劉

公亮

見冊府元龜唐會要

鄭轅

見冊府元龜唐會要

沈封

見冊府元龜唐會要

吳通元

見冊

府元龜唐會要

中初策賢良方正等科通元應文詞清麗登乙第授同州司戶

經學優深科

孫玘

見冊府元龜唐會要

黎逢

見冊府元龜唐會要

白季隨

見冊

龜唐會要自季隨一作李隨

高蹈邱園科

張紳

見冊府元龜唐會要

衛良儒

見冊府元龜唐會要

蘇哲

見冊

龜唐

會要

軍謀越眾科

夏侯審

唐才子傳夏侯審建中元年禮部侍郎令狐暉下試軍謀越眾科第一釋褐授校書

耶

平知和

見冊府元龜唐會要

鄭儋

見冊府元龜唐會要韓愈鄭儋神道碑儋以進士選爲太原參軍

對面言策拜京兆高陵尉五百家注

凌正

見冊府元龜唐會要

周渭

見冊

府元龜

唐會要

丁悅 見冊府元龜唐會要

孝弟力田聞於鄉閭科

郭黃中

見冊府元龜唐會要

崔浩

見冊府元龜唐會要

李牧

見冊府元龜唐會要

知貢舉 禮部侍郎令狐峘

舊書本紀大曆十四年九月中書舍人令狐峘爲禮部侍郎建中元年二

月甲寅貶史館修撰禮部侍郎令狐峘柳州司馬 順宗實錄大曆八年劉晏爲吏部尚書奏峘爲刑部員外判南曹累遷至禮部侍郎峘之判南曹晏爲尚書楊炎爲侍郎峘德晏之舉分關必擇其善者與晏而以惡者與炎炎固已不平至峘爲禮部而炎爲相有杜封者故相鴻漸之子求補宏文生炎常出杜氏門下託峘以封峘謂使者曰相公欲封成其名乞署封名下一字峘因得以記焉炎不意峘賣之署名屬峘峘明日疏言宰相炎迫臣以威臣從之則負陛下不從卽炎常害臣德宗以問炎炎具道所以德宗怒曰此姦人不可奈欲杖而流之炎救解乃黜爲衡州別駕 樊澤傳言禮部侍郎于邵按令狐峘貶時試制舉已過則澤實峘門生

非邵也傳但言于邵厚

遇之亦未言爲門生

姜公輔對策曰臣聞堯舜之馭寓也以至理理萬邦以美利利天下百姓猶懼其未化也萬邦猶懼其未安也乃復設謗木詢讜議不敢滿假不敢荒甯伏惟陛下元德統天文思居業慎重光之不緒返淳古之休風光啟憲章疇咨管蒯錫臣之策思以啟沃臣狂簡不知化源謹昧死稽顙輒陳愚慮制策曰朕竊不自揣敢募前王欲上法羲軒下遵堯舜還已散之淳樸振將頽之紀綱使禮讓興行刑罰不用而人猶輕犯吏尙徇私爲盜者未奔不仁者未遠豈臣非稷契而致是乎爲君謝禹湯使之然也大矣哉陛下之言

乎臣聞禹稱善人不善者遠矣伏見陛下微隱逸於空山拔夔龍於下位聘名士禮賢者善無欲之從發惟新之詔使吏肅人悅法明令張而猶曰君謝禹湯臣非稷契此陛下讓之至也臣何敢問焉夫中於道者易以興化失其道者難以從宜事爽其分則一毫以乖事審其分則殊途同歸計歲者非一時而可用致理者非一日而成功但立法於制事之初望化於經年之外使損益鑒於興替寒暑漸於春秋何憂不均理於畿甸同光於堯舜制策曰設何謀而可以西戎卽敘施何術而可以外戶不扃者陛下孚惠心和戎狄相彼君長解辯戶庭應以地僻遐荒未知聖造伏以戎狄輕

而寡信貪而無親視邊戍申嚴則請通國好覩疆場無備則屢啟
貪心固難可以禮義和難可以恩澤撫取今之要莫過於智將悍
卒設險邊隅臣伏以陛下且以恤下爲心不以西戎爲慮今請制
其邊兵有常數將有常務分其土而居之給其畜而業之因其業
也而爲之城池因其將焉而爲之牧守又申嚴其令使獲虜馬者
賞以馬使獲虜羊者賞以羊人皆固業戰自力倍則可少安今積
甲日深興戎歲廣黎人抗弊未可勤師伏望利物之原息人之道
使廣庶類農桑以時宏濟濟之士於朝盛洋洋之化於野使其來
也慕斯文物之盛居其邊也杜其利欲之求然後款塞而可卽敘

矣夫姦邪生於豪傑廉恥生於禮義禮義立孰有不恥且格乎衣食足孰有背義趨利者乎臣以爲遂其富利之業申其仁義之化則外戶不扃矣制策曰五諫安從三仁誰最者夫諫者以諷爲先亂國非無直言也直言不用故諂諛勝矣理國非無諂諛也諂諛不用則直言勝矣時逢否閉仲尼或守其主文今日昭明微臣請從其直諫臣之職也敢二事乎昔商紂不君虐棄天物三仁弼諫藩捍宗彝退八百之師抑三分之眾均其憂亂俱可稱仁較其持危或非同德比于知死亾之義且曰陷君微子去父母之邦或云智免進退不失其正在於太師乎制策曰周昌比漢高於桀紂劉

毅方晉武於桓靈俱見含容兩無猜怒故君不失聖臣不失忠子
既其儔應詳往行四賢優劣佇辨深疑臣聞君明則臣直二聖以
乘時開國參佐昌圖二臣以委質造邦克扶興運開忠讜之路成
不諱之朝固擬議失倫比方不忤將以感君之未寤致理於昇平
絕好惡之門傳和睦之代名高終古傳在策書巍巍三代斯爲盛
美臣素無學術謬竊對啟若變其微斯言之玷使臣以禮晉武甯
劣於漢高鼓怒抗辭周昌不優於劉毅制策曰在乎朕躬有所不
逮條問之外委悉書之必無面從以重不德者臣固凡陋越在側
微仰天地之大全空析化育體陰陽之廣運每尚陶甄豈意聖詔

薦臨猥垂下問心慮殞越夏蟲不覩於春冰曲士甯知於天道欲
申微素進退憂惶伏見陛下以道生成以德覆載賞以春夏刑以
秋冬捐金玉於江湖反珍奇於數澤委符瑞爲草莽用忠良爲蠶
慶臨羣下以正德惠兆人以厚生誠太平之道也刑措之漸也臣
不勝其忭願陛下俯仰必於是寤寐必於是詩云靡不有初鮮克
有終抑臣以爲知終終之可以存義者其惟聖人乎伏惟陛下終
之臣不勝葵藿傾心之至謹對

文苑
英華

二年

辛酉

二月中書門下奏准制崇元館學生試日減策一道者其崇元館

附學館見任者既同行事例合需恩惟策一道不可更減減大義

兩條從之

冊府元龜
唐會要

十月中書舍人趙贊權知貢舉先時進士試詩賦各一篇時務策

五道明經策三道贊奏以箴論表贊代詩賦仍各試策三

三一
作二道

應口問大義明經等舉人明經之目義以爲先比來相承惟務習帖至於義理少有能通經術淺衰莫不繇此今若頓取大義恐全少其人欲且因循又無以勸學請約貢舉舊例稍示考義之難承前問義不形文字落第之後競喧者多臣今請以所問錄於紙上各令直書其義不假文言既與策有殊又事堪徵證憑此取舍庶

歸至公如有義策全通者五經舉人請准廣德元年七月敕超與

處分明經請減兩

一作

選伏請每歲甄獎不過數人庶使經術漸

興人知教本敕旨明經義策全通者令所司具名奏聞續商量處

分餘依

冊府元龜

唐會要

按次年進士試學官是罷詩賦

自三年始第不知復於何年用詩賦考文苑英華載貞元四年試曲江亭望慈恩寺杏園花發詩大約貞元之初即復舊制故大和間禮部奏言國初以來試詩賦中間或釐改更旋即仍舊也

進士十七人

據撫言是年原試白雲起封中賦按趙

崔元翰

狀

廣卓異記引登科記崔元翰建中二年進士狀元及第舊書于邵傳崔元翰年近五十始舉進士邵異其文擢登甲科且曰不十五年當掌詔令又崔元翰傳博陵人進士擢第登博學宏詞制科又應賢良方正直言極諫科三舉皆昇甲第年已五十餘新

書崔元翰名鵬以字行柳宗元上江陵趙相公寄所著文啟自

崔比部韓注比部名鵬字元翰唐語林詞科本以京兆等第爲

梯級建中二年崔元翰崔敖崔備三人府元府副第三崔敖見

人于邵知貢舉依次放及第蓋推崇藝實不能易也

摭言崔元翰爲楊崖州炎所知欲奏補闕懇曰願進士由此獨

步場中然不曉程試先求題目爲弟崔敖知之旭日都堂始開盛

氣白侍郎曰白雲起封中賦敖請退主崔備見上唐詩紀事

司於簾中卒愕換之是歲二崔俱捷崔備登建中進士

第鄭元均柳宗元先友記元均榮陽于公異永樂大典引蘇

建中二年登第舊書本傳吳人登進士第公異初應進

士舉與舉人陸贄不協及贄爲宰相奏公異無素行黜之

明經科董溪新書董晉傳子溪擢明經韓愈董溪墓誌銘溪

字惟深十九歲明四經獲第有司以元和六年卒

年四十九推之及第在是年

諸科二人

知貢舉

禮部侍郎于邵

舊書本紀四月丁巳禮部侍郎于邵桂州刺史按召邵

三年

壬戌

四月敕禮部應進士舉人等自今以後如有試官及不合選并諸色出身人等有應舉者先與舉人陳狀准例考試如才堪及第者送名中書門下重加考覈如實才堪卽令所司進納告身注毀官甲准例與及第至選日仍稍優與處分其正員官不在舉限

冊府元龜

會要

唐

進士二十八人

詞學指南建中三年進士試學官錢又進士別頭試試敬器銘見潘昂霄金石例

諸科一人

知貢舉 中書舍人趙贊

見上

四年

癸亥

十月丁未涇原兵叛上出苑北門戊申至奉天

舊書本紀

進士二十七人

是年試易簡知險阻論見國史補

薛展

狀元

武元衡

唐才子傳武元衡字

伯蒼河南人建中四年薛展榜進士舊書本傳曾祖德載天后從父弟官至湖州刺史祖平一終考功員外郎修文館學士父就殿中侍御史元

衡進士登第

韋同正

唐詩紀事韋同正登建中四年第

韋純

舊書本傳貫之本名純以

憲宗廟諱遂以字稱八代祖贊仕周號逍遙公父肇官至吏部侍郎貫之即其第二子少舉進士貞元初登賢良科太平廣記引續定命錄武元衡與韋貫之同年及第武拜門下侍郎韋罷長安尉赴選元衡以為萬年丞過常口元衡謝曰某與先輩同年及第元衡遭逢濫居此地使先輩未離塵土元衡之罪也貫之嗚咽流涕而退後數月除補闕是年元衡帥西川三年後入相與貫之同

日宣

柳洞

洞建中四年進士見洪興祖韓子年譜按洞爲

熊

制

執易

國史補熊執易通十易義建中四年侍郎李紆試易簡知險

舉行次潼關秋霖月餘滯於逆旅俄聞鄰店有一士吁嗟數四執

易潛伺之日前堯山令樊澤舉制科至此馬斃囊空莫能自進執

易造焉遂輟所乘馬倒囊濟之執易其年罷舉澤明年登科記

纂淵海引該聞錄云唐熊執易通九經當時設科取士題目甚多

執易俱中等中章武皇帝詔就殿試以二論一簡易而知險阻一

五運相承是非執易前論書三千字五運相承論于卷首題云五

運相承出於遷史非經典明文又唐方承士運故不對朝廷賞其

才授西川節推按是時罷詩賦故試進士有論該聞錄以爲殿

試非

也

諸科三人

馮伉

舊書儒學傳馮伉建中四年登博學三史科按博學三史當卽三史科非制舉也

拔萃科

李益

韋綬

路泌

舊書路隨傳父泌字安期建中末以長安尉從調與李益韋綬等書

判同居高等泌授城門郎屬德宗違辨

奉天泌時在京師棄妻子潛詣行在

知貢舉

禮部侍郎李紆

舊書本傳紆自虢州刺史徵拜禮部侍郎德宗居奉天擇爲同州刺史尋棄州

詣梁州行在拜兵部侍郎反正兼知選事李懷光誅河東節度及諸軍會河中詔往宣勞節度使還敷奏合旨拜禮部侍郎

興元元年

甲子

正月癸酉朔帝在奉天行宮受朝賀畢改建中五年爲興元元年
大赦天下制曰尙德者教化之所先求賢者邦家之大本永言茲
道夢想勞懷而澆薄之風趨競不息幽棲之士寂寞無聞蓋誠所
未孚故求之不至天下有隱居行義晦迹邱園不求聞達者委所
在長吏具名聞奏朕當備禮邀致諸色人中有賢良方正能直言

極諫及博通墳典達於教化并識洞韜略堪任將帥者委常參官

及所在長吏聞薦

冊府元龜
唐大詔令集

二月丁卯車駕幸梁州

舊書
本紀

五月戊辰李晟收京城

舊書
本紀

七月壬午上至自興元

舊書
本紀

進士五人

是年進士試朱千銘
見潘昂霄金石例

馬異

唐才子傳馬異睦州人也
興元元年禮部侍郎鮑防

下進士
第二人

知貢舉

禮部侍郎鮑防

見唐語林

穆員鮑防碑真非
右常侍扈從巡狩轉禮部侍郎

南菁書院叢書